

藝風堂文續集

藝風堂文續集卷七

江陰繆荃孫

草堂詩箋跋

杜工部草堂詩箋跋四十卷補遺十卷外集一卷傳序碑銘一卷目錄二卷年譜二卷詩話二卷四庫止收詩話而詩箋未收近黎星使庶昌影刻宋麻沙本每半葉十二行每行大字二十小字二十六海內讀杜詩者始見全璧嘉惠士林多矣巴陵方氏先刻元本於廣州僅廿二卷自卷一至卷十九與黎本合而卷二十下半上元二年以下卷二十一卷二十二卷卽黎本補遺之一二三卷卷二十前上元元年庚子在成都所作爲徐卿二子歌等十題均見於黎本二十五卷又失收詣徐卿覓果子栽一首兩本參差殊不可解且草堂

詩箋以編年得名卷十九爲乾元二年詩

以上與年譜相合

方本卷

二十爲上元元年二年卷二十一爲上元二年卷二十二爲寶應元年黎本卷二十爲廣德元年卷二十一爲廣德二年卷二十二二十三不紀年卷二十四爲永泰元年已到雲安不應卷二十五又載上元元年在成都所作後半卷仍接雲安所作未免雜糅方本僅廿二卷蔡夢弼跋亦刪節過甚未足取證瞿氏書目所載宋刊廿六卷推爲嘉泰祖本從廿五卷起半葉十一行行大字十九小字廿五與黎本又不同至翁覃谿文集跋宋槧本所云第二十卷暫如新津縣四首第廿二卷暫如青城縣五首則與方本合而與黎本不同瞿氏本不全翁所見全書如在天壤閒未知何時寓目一決此疑

也

高麗本草堂詩箋跋

卷一 全

卷二 全

卷三 全 鈔二葉

卷四 全

卷五 存三葉一葉

卷六 存四葉一葉十一葉一

卷七 存十二葉一葉

卷八 存二葉一葉十四葉一

卷九 缺

卷十 全

卷十一 全

卷十二 全

卷十三 全

卷十四 全

卷十五 全

卷十六 全

卷十七 全

卷十八 全

卷十九

全

卷二十

全

方本二十卷以下三卷與此不符

卷二十一

全

卷二十二

全

卷二十三

全

卷二十四

全

卷二十五

缺

卷二十六

全

卷二十七

全

卷二十八

全

缺首葉

卷二十九

全

卷三十

全

卷三十一

全

卷三十二

全

卷三十三

全

卷三十四

全

卷三十五

全

卷三十六

全

卷三十七

全

卷三十八

全

卷三十九

全

卷四十

全

詩話補遺十卷

缺

外集一卷

缺

傳序碑銘

缺蔡跋後二葉

詩話一

缺後六葉

詩話二

缺後二葉

譜上

缺

譜下

存七至十四八葉

黎星使原跋云得南宋麻沙本四十卷高麗本補遺外集十  
一卷付梓此書在日本琳琅閣今歸胡研生糧儲缺補遺外  
集前後有黎星使圖書疑卽星使所取之餘而正書又缺卷  
五卷六卷七卷八卷九卷二十五六卷至高麗本佳處陳景  
雲曾舉何假將軍佩牧齋謂較蓋字爲穩其爲善本可知雖  
太璞不完不害其爲瓊寶也

張說之文集跋

張說之文集二十五卷明鈔本集首有永樂七年伍德記云  
兵燹之後散佚僅存錄而藏之是此編爲明初輯本明嘉靖  
丁酉椒郡伍氏龍池草堂刊行有項篤壽序攷唐宋藝文志  
張說集三十卷外集二卷久已不傳劉燕庭曾藏宋刊三十  
卷本半葉十一行行二十字與李太白賂賓王等集同行款  
攷爲蜀本自朱竹君椒花吟舫散出爲燕庭所收今又不知  
歸於何所張月霄臧影宋鈔本十卷單是詩集如首卷喜雨  
二首一題御製一題應制明本刪去御製應制等字卷五醉  
中作有題無詩卷六廣州送蕭都督入朝過岳州宴餞後缺  
一葉雖非佳刻然亦希見聚珍本作張燕公集館臣又於明  
刻本外采及文粹文苑英華諸書得頌一首箴一首表十八

首疏二首狀六首策三首批答一首序十一首啟一首書二  
首露布一首碑四首墓志九首行狀一首凡六十一首皆依  
類補入仍釐爲二十五卷采輯較富而卷非原次又刪去當  
時批答及同作亦未盡善按明刻本卷一賦與雜詩二至十  
皆雜詩十一十二頌十三贊銘記十四碑十五表十六至廿  
一皆碑銘廿二墓志銘廿三雜著廿四表廿五碑銘表首卷  
在碑銘之中次卷在雜著之後末卷又爲碑銘編次不倫館  
臣重定爲卷一賦與雜詩二至五皆雜詩卷六卷七頌卷八  
贊銘箴記卷九卷十表十一疏狀對策批答十二序十三啟  
書露布十四至廿一皆碑銘廿二至廿四墓志行狀廿五祭文  
實較舊本爲有條理仁和朱子涵觀察出眎所藏彭文勤公

本鈔極舊惜止廿卷再據吳仲樸侍郎明鈔本互補以成全璧今前廿卷用彭本後五卷用吳本聊存舊式而退諸書拾補者另編五卷似可復卅卷之舊質諸方聞之士以爲何如光緒乙巳三月江陰繆荃孫跋

再攷顧千里思適齋集云先得燕公文十五卷又得椒花吟舫鈔本增益五卷顧氏單校唐文除去詩五卷後又補足五卷疑世閒自有此廿卷傳本非缺佚也

馮校本王建詩跋

宋陳解元書棚本半葉十行行十八字荃孫昔年得之滬市中止存舊刻三十餘葉餘皆影鈔也頃京估以常熟馮已蒼鈔本見眎行款與宋本同黑格後角有馮氏鈔本四字卷五

卷十後有己蒼手跋又有朱書馮氏不借本五字校勘圈點細密愼重固馮氏之家法首葉邊闌馮字朱文小印末有屏守堂三字並列朱文方印馮己蒼手校本朱文小方印謙牧堂藏書記白文方印謙牧堂圖書記朱文方印上黨馮舒白文小印禮邸珍玩朱文方印各印皆真與宋本對校二卷增十首四卷增十五首五卷增六首六卷增四首九卷增三十首共增七十三首己蒼跋云鈔於柳大中手書本不知何處得來二卷跋云以下十首宋版無依別本補入五卷跋云馬戴詩舊本無柳誤添是己蒼會見宋本而大中所增之七十三首有誤收他人之作後之重刻是書者宜仍以宋本爲主而此七十三首別爲補遺於後不可溷入以存其真宣統

紀元芒種日荃孫跋於對雨樓

現行毛斧季本胡介祉本皆八卷墨莊漫錄云建集七卷  
印行本一卷今宋本十卷不知視七卷本何如敏求記亦  
十卷想亦宋本記云建與樞密王守澄有宗人之分偶因  
過飲相譏守澄憾欲借宮詞奏劾之建作詩以解結句云  
不是當家親向說九重爭遣外人知事遂寢當家猶今人  
言一家也此集作姓同其爲後人改竄無疑宋本正作姓  
同

劉賓客文集跋

右劉賓客文集三十卷外集一卷 四庫著錄禹錫唐書有  
傳官終於太子賓客分司故署曰賓客集又居中山無極故

又名中山集是集四十卷宋初佚其十卷宋次道裒其遺詩  
四百七篇雜文二十二首爲外集然未必皆十卷所遺也明

萬曆二年刊雜文二十卷書十卷名中山集黎民表序

民表嘉靖

未廣東參將爲  
古田獐所殺

書亦罕見常熟瞿氏藏宋刻殘本每半葉十

二行行二十一字歸安陸氏藏述古堂影宋鈔本每半葉十

行行二十字大抵宋時有此兩刻此朱子涵舊藏明藍格鈔

本十行行二十字與陸氏書目合原出宋本無疑外集十卷

世罕流傳有以正集詩文僞充者甲辰冬在蘇州書賈以味

書室鈔外集亦十行行二十字求售鈔手極舊以重值得之

可爲子涵配全亦一快事集中爲人作集序皆作集紀豈亦

爲家諱如東坡之改序作敘耶外集有經東都安國觀九仙

公主舊院詩結語武皇會駐驂親問主人翁方蕉軒濬師以武皇爲武宗攷王建集亦有九仙公主舊莊詩杜紫綸詔謂唐公主無九仙之名惟方伎傳④宗時有夜光者因九仙公主召見溫泉攷東都安國觀爲太平公主宅武皇意指④宗李義山詩武皇內傳九仙公主或卽太平公主之別號決非分明在亦指④宗

武宗之女也文中用字新穎如連州刺史廳壁記不足庚其賁庚作儼字用與禮記請庚之注合武陵北亭記是日還也還作反字用與小爾雅還而入必易也之注合鑿藥篇輒者造焉卽穀梁兩足不能相過謂之輒府鮮能母氣言氣所由生也蘇州冊賀皇太子箋以貞九圉用華陽國志詩平齊行魯人皆科帶弓箭科作分派解外集可憐玉馬風流地用庾

信詩還如驅玉馬與金貂對他書作五馬誤惟卷二十五有  
與歌者米嘉榮云唱得涼州意外聲舊人惟有米嘉榮近來  
時世輕先輩好染纒須事後生外集卷八亦有一絕云一別  
嘉榮三十載忽聞舊曲尙依然如今世俗輕前輩好染髭鬚  
事少年與正集彷彿而韻不同昔人所謂有未定之橐有通  
用之橐編輯時求益遂兩收之不得謂之複近時畿輔叢書  
亦刊正集所據之本爲荅孫所藏中山集似從明刻鈔出書  
首有錢竹汀印王氏又據全唐文校改殊失古意不如此本  
遠矣光緒丙午元夕江陰繆荃孫撰

司空表聖文集跋

右司空表聖文集

四庫著錄圖見唐書卓行傳此集有文

無詩陳振孫書錄解題云蜀本前後八卷俱題雜著五六兩  
卷獨題碑字按卷七雜著中又有復安南碑不應此二卷獨  
題曰碑當由後人誤改則與陳所見之本無異也每卷首行  
題司空表聖文集卷幾下題一鳴集與瞿氏書目載宋刻杜  
荀鶴文集下題唐風集同知其原出於宋此本爲曹氏書倉  
影寫明成化本前有乃昭朱文王氏家藏白文兩印南昌彭  
氏知聖道齋藏書朱文兩印後有白隄錢聽默經眼朱文小  
印按曹名學佺字能始侯官人萬曆乙未進士官至禮部尙  
書殉國難王乃昭常熟人與錢牧齋同時錢聽默名時霽號  
景開茗估中最有名其掠經眼印者書必佳知聖道齋爲彭  
文勤公舊藏由彭而歸於結一廬亦可見淵源之有自矣光

緒丙午花朝江陰繆荃孫校畢跋

西渡集跋

西渡集一卷曝書亭藏書目錄後竹垞手書康熙丁丑八月朔日竹垞閱過卷中朱筆皆先生手跡也又有長水胡氏家藏一印歛鮑氏知不足齋藏書一印四庫所收二卷本亦鮑氏進呈卷數不同不如此一卷與宋藝文志陳氏書錄合也金山錢氏刻入小萬卷樓叢書中取以對校校出刻本顛倒字二譌字十六方知此本之佳惟十月十六日五律細覽泉聲外旁改鹽爲檻錢本作筧初食生荔支五律清冷露入囊錢本冷作冷福州程使君止戈堂七律行看劍爲農器錢本作鑄劍皆當從又有不可解語錢本空格較爲詳慎末

缺一葉照錢本鈔入光緒辛巳江陰繆荃孫校竟識

鄧峰真隱漫錄跋

舊鈔鄧峰真隱漫錄五十卷四庫底本卽范氏天一閣所進呈者中間點竄鈎乙皆館臣手筆缺卷一至卷四四卷又缺四十四一卷藏之篋衍近十餘年頃友人得揚估鈔本假歸補足方知舊鈔之佳提行空格一仿舊式其源出於宋本目錄分三卷與提要所言合揚本不若也此書昔見愛日精廬藏書志近見甯宋樓書目流傳亦云罕矣

斜川集跋

蘇叔黨斜川集館臣从永樂大典鈔出乾隆戊申趙味辛老入刻之亦有生齋詩二百十四篇文六十篇使海內復見斜

川集真本非謝幼槃劉改之等集僞爲者可比也後得朱少  
河鈔藏本有手跋云嘉慶戊辰法時帆學士充唐文館總纂  
復于大典得志隱諸篇文十五詩五十三乃假本于朱子涵  
觀察而每篇不相連屬係當時隨采隨鈔之本與趙本核對  
僅得詩四十九篇五言古四十八篇五排二篇七古一篇共  
五十一篇新竹二篇  
趙本已錄與跋相符而志隱十五篇者一葉無有  
疑又逸去矣鮑氏知不足齋二十六集刻此書則志隱十五  
篇盡收其中詩止四十三首遺去九首方知鮑本勝于趙本  
今錄詩九篇附後

### 借書

妙年不可再白日誰能繫空慚梁肉索不悟齒髮逝季子

頗亦困還家笑奴隸經年得揣摩尚可資游說良田初不  
耕拱手那望歲誰令困不學斯與草木傲海南寡書籍蠹  
簡僅編綴詩亡不見雅易絕空餘繫借書如假田主以歲  
月計常恐遺地方敢有不斂穧便便五經腹三冬良可繼  
儻有媿寸陰得無譏沒世

大人生日

天爵

缺三字

名高實自分云何困積毀抑未泯斯文欲救微

言絕先懲百氏紛韋編收斷簡魯壁出餘焚論斥諸儒陋  
功逾絳帳勤吾庸亦多矣奚恤彼狷狷

天定人難勝誠哉申子言不須占倚伏久已恃乾坤入郡  
袴襦德三吳肉骨恩少卿真不病廷尉自高門勿歎乘桴

遠當知出世尊無邪有妙理一悟可長存

大士來淮泗神交寤寐中  
應緣濟物意豈爲寫經功  
惻隱仁之本慈悲佛所同  
雖無逮焚溺尙欲起疲癯  
五鼎榮何有三光路已通  
回看種桃處葵麥卷春風

和叔父移居東齋

去鄉三十年夢寐猶西土  
阨窮未能歸諒亦君子固結廬  
箕穎閒絕意爲霖雨聊清一室地  
僅作跣趺處邇來又謝客不待義輶  
釜西齋舊翳密月晏窗先暮  
東軒得爽塏眞作禪僧住  
公舊自調東軒長老陶潛采菊時尙復有眞趣  
公今觀此心湛然忘客主  
坐了一大緣固已遺能所

次韻叔父月季再生

瘴海不知秋幽人忘歲月只記庭中花幾度開還折憶昔  
移居時始見青萸茁殷勤主人惠浸灌寒泉冽顏色日鮮  
好條枝爭秀拔意無後人翦喜託先生艾海康接僂耳雲  
水何由躡俯檻獨四顧悵此波濤市間道海門松僵枝出  
繁葉困窮不足道喜有千人活不似<sup>之</sup>都花荏荏那能折  
范季遠作止齋求詩以此寄之

急流湧退真難事安取榮枯君自味世閒軒冕如嚼蠟自  
覽山川天下貴君如八駿方服輶帝閑正欲求千里刷燕  
秣越非所願放浪煙霞躡雲水蕭然築室在人境身與此  
心俱欲止倦飛偶學陶彭澤亦病還同老居士政憂功名  
來未免吾駕不回誰與輓古來索價累高人少室終南應

所鄙

贈知命劉居士卜居

言乘下澤車來赴嵩高約春山多雨露咫尺負邱壑眷余  
實畸人雅與世緣薄問途忽我顧扣戶煩剝啄君才少不  
羈屢散千金橐胸中橫詩書帳下餘猿鶴何妨門如市心  
若虛舟泊聊師季主卜玩世甘寂寞箕山宛在目潁水清  
帶郭何年定卜居伴我采薇霍

君與伯充詩有  
欲卜居潁川志

和任況詩

簪裳如縲囚我生三年繫一落罟網中遂負山林志憶故  
晉陽城訪古尋前事荒涼麋鹿游正坐金湯累西山鬱崢  
嶸氣勢翔天際固知神所託千歲有其地縣縣邑姜祠盛

德百世繼汾橫地軸壯泉湧山骨碎我時正行役忽此煙  
雨滯頗遭谿谷留使失鄉關異是時薰風初殿閣微涼至  
碧井照眼寒山光溼衣翠文魴從弱浪野鶴下晚吹平生  
謝公心雅在東山醉端來乞五斗茲事復且置恹恹百僚  
未舉首觸嗔忌早知折腰惡誰敢朱雲吏願君志吾言身  
外皆漚寄臨淵休羨魚早決歸來意榮枯夢已破何待邯  
鄲記

石林燕語辨跋

宋葉少蘊石林燕語十卷所記朝章國故官制科目當時已  
重其書後人亦多引用間有記憶失真攷據不詳者是以宋  
時有汪聖錫作辨宇文卷臣作者考異以糾之 四庫館開時

館臣未能得汪書 提要止云汪辨不甚傳僅儒學警悟閒  
引數條與字文考異並散見永樂大典中應將考異散入本  
條之下而以汪辨寥寥無幾無可裒集置之後仁和胡珽心  
耘在京師詣清祕堂親檢大典一萬四千八百卷悟字韻中  
鈔得汪氏辨目二百有二條歸與葉廷琯調生撰集辨一書  
初擺印於琳瑯祕室叢書第五集後又於印本復校加數十  
籤荃孫見於周荇農師處會假錄副本將各籤編入閒有管  
見亦附入焉光緒壬辰宗室伯羲祭酒購得明鈔儒學警悟  
全編則汪辨十卷在焉荃孫又錄得再勘全書二百有二條  
與大典目合以大典未見之書一旦復出令人稱快惟辨禮  
賢宅辨昭考當作昭孝辨母后加諡四字辨宣仁太后受冊

辨皇考兩統二父之說卷二辨三公孤卿大夫異同辨集賢  
學士除待制沿革辨馮元魯宗道爲講讀官辨宣政殿奏事  
卷三辨停化中所藏法帖及刻板辨職事官差除辨韓維爲  
翰林學士辨尙書中書沿革辨本朝曆與契丹曆差一日卷  
四辨曾宣靖修英宗實錄不當辨現任官應舉賜第辨翰林  
侍讀學士講讀學士卷五辨眞宗批楊文公謝表辨有官人  
應舉辨進士特取一百九人辨致仕官俸給辨御史端公辨  
御史裏行辨元祐初哲宗納后卷六辨馬齒辨服制辨三司  
使權亞宰相辨張仲甫坐職免杖黥流嶺外辨宰相除觀文  
大學士辨除宰相有詔命敕辨開府位三公上卷七辨宰相  
除授兼職亦須用麻辨邵興宗詔試祕閣辨成都帥例不許

將家屬及以待制知成都辨王沂公召試館職辨錢希白兄  
草弟麻韓維弟草兄制曾子宣弟草兄制卷八辨王文公答  
王魏公書辨李文言省試黜落有司奏乞取之廷試遂爲第  
一辨天章置侍講自賈又元始辨范忠宣自知慶州至拜相  
纔百餘日辨蔡君謨賈青進建州龍團茶卷九辨賢良對策  
自董仲舒始辨蘇子瞻爲秋燕致語譏在喪用樂辨歐陽永  
叔趙叔平罷政除觀文殿學士辨司馬溫公與呂申公辭知  
制誥卷十辨蘇子瞻草呂微仲麻共四十三條與考異同所  
不同者只九條耳卷臣通判劍州時卽聖錫所薦賓僚晉接  
互相切磋何以二書輾轉相合豈鈔錄者有譌誤耶館臣以  
汪辨寥寥無幾難以成編而考異尙可裒集今汪辨二百二

條全書俱存而考異不同於辨者僅止九條亦云異矣然得見陳振孫未收大典未采之書可不謂之幸事耶儒學警悟書其七種此書次爲第一餘六種如演繁露之類世有傳書獨此已成孤帙幸伯義祭酒慨借得以傳出久欲付梓今與彬吏部刊於石林燕語之後荃孫謹書始末而歸之

儒學警悟太學俞鼎臣同上舍兄經編壬戌三月南劍州通判俞聞中夢達所刻奎壬子儒學警悟歸於荃孫前有總序是嘉泰壬戌然百川學海前人攷爲咸淳癸酉則此書先七十二年眞叢書之祖矣

諸儒鳴道集跋

諸儒鳴道集七十二卷宋氏榮光樓鈔本總目濂溪通書疎

水透書橫渠正蒙八卷橫渠經學理窟五卷橫渠語錄三卷  
二程語錄二十七卷上蔡先生語錄三卷元城先生語錄三  
卷劉先生譚錄一卷劉先生道護錄一卷江民表心性說一  
卷龜山語錄四卷安正忘筌集十卷崇安聖傳論三卷橫浦  
日新二卷識云越有諸儒鳴道集最佳年久板腐字漫摹觀  
者病之迺命刊工剡蠹填梓隨訂舊本鋟足其文令整楷焉  
時端平二禩八月吉日郡守閩川黃壯猷書商邱宋氏鈔本  
與絳雲書目合惟絳雲不言鈔刻而他書目未之見深足寶  
貴

頤堂集五卷

影寫宋刊本首行題頤堂先生文集卷第一次行姪傅編一

卷後有乾隆壬辰六月王撫幹宅謹記一行半葉十行行十八字板心記頤堂集幾字跡圓湛洵宋刻之上駟欠四卷一葉五卷尾葉存者止五十三葉目錄補寫後附文三葉詞五葉皆補寫 四庫未收按灼字晦叔號頤堂遂<sub>補</sub>人隱居不仕著此集及碧雞漫志糖霜譜傳於世宋史新編藝文志載頤堂集五十七卷此書前爲古詩三卷而近體詩止一卷殆什中之一耳然讀書敏求記載王灼頤堂集五卷厲氏鶚宋詩紀事云灼嘗佐總幕府選詩亦不出此卷此書或卽遵王所藏者歟

注渠陽詩跋

代

魏鶴山讀易亭詩王周卿德文注之王實齋遂和之游丞相

似序之後又有鶴山札子真大參德秀杜尙書範李侍郎心  
傳李大參性傳呂宗卿午葉祕書大有各家札子題跋均以  
手書開雕（淳祐二年刊本校王周卿爲著作郎王蘋之孫游  
丞相列傳見宋史四百十七王實齋列傳見宋史四百十五  
實齋字去非又字穎叔樞密副使韶之元孫金壇人傳云曾  
知平江府與同里劉宰稱同志卽跋所云拏舟同漫塘訪鶴  
山見此詩漫塘所拏節也真大參見宋史四百三十七杜尙  
書呂宗卿見宋史四百零七宗卿跋署銜宗正少卿知泉州  
與傳合有竹坡類彙李侍郎見宋史四百三十八大參見宋  
史四百十九侍郎與大參昆仲也葉祕書曾任御史鶴林王  
露丙編自序余爲臨川郡從事侍御史葉大有忽劾余罷官

卽此人也諸賢手札明成化間具存見吳匏菴家藏集及郁逢慶續書畫記復初齋跋祇贖三種今不知歸何所此本宋刊宋印當與宋賢札子同看近時書目只鐵琴銅劍樓有之匏菴覃谿皆未見也卷首有仲魚過目小印又有華山馬仲安家藏善本一印卷尾有馬仲安馬印寒中朱白文二印蓋先歸道古樓後歸士鄉堂者光緒壬寅立冬日貴池劉世珩跋

鐵琴銅劍樓書曰云卷尾有注渠陽詩一卷嗣容校刊一行校匏翁家藏集五十五有宋賢三帖跋云周卿裔孫觀字性嗣者旣取舊本翻雕後得此三帖裝池寄示因思瞿目嗣容二字嗣卽裔孫容卽嗣字之恭代遂與瞿目脗合

此本無此一行而卷後絕無割補痕迹是瞿氏所藏爲明翻宋刻此本是眞宋刻爲海內僅見之書尤足貴矣

輯本丹邱生集跋

柯九思元史無傳其事跡見元詩選小傳而丹邱生集亦無紀若干卷若干篇者元史本無藝文十頃堂書目止云一卷是最少之本錢竹汀先生補志因之今見元人十二家小集中分體編次止詩四十三首詞四首顧氏元詩選刻入三集云搜諸書畫題跋手跡所得無多顧玉山草堂雅集推丹邱爲壓卷而雅集流傳之本類缺首冊殊爲憾事最後鈔首冊於汲古毛氏敬仲之詩在焉合之手跡得詩二百六十二首光緒庚子柯遜菴中丞在揚州都轉任囑荃孫搜輯編次先

鈔錢塘丁氏元人十二家集又鈔元詩選爲二卷以寄玉寅  
友人曹君直中翰元忠到館雅意搜輯再得文賦題跋二卷  
詩二卷補事迹一篇荃孫復加覆核新得草堂雅集舊鈔本  
敬仲在後集之二並不在首冊與顧選對勘每首各注所出  
又溢出十三首疑顧所見又一本也元十二家集亦有五首  
爲顧所未見其得文四十六篇詩三百四十一篇勒成五卷  
以覆中丞自謂於茲集不爲無功矣

說學齋彙跋

說學齋彙十卷傳鈔新陽趙氏藏本首有葉恭煥識語原出  
歸有光鈔本明千頃堂書目云文集五十卷明代已散佚不  
存此本乃嘉靖三十八年歸有光從吳氏得手彙傳鈔其文

不分卷帙但於紙尾紀所作年歲皆在元時所作有光跋稱

共一百三十六篇與此本符又王懋竑白田雜著有是集跋

稱賦三贊二銘二頌三記五十有一序七十有六

現存記四十九序七

入共一百三十八首以有光跋爲傳寫之誤然據懋竑所列

實止一百三十七首數亦不符殆舊有刊版好事者遞相傳

錄故篇數參差不能畫一圖書館藏有二本一雲林集二卷

卽太樸之詩興四庫箸錄同後增文集不分卷一危太樸

集分四卷篇數亦同存一百三十六首二本相較不分卷本

多天（備）寺碑記岩岩亭記略朝元閣記三篇四卷本多吾（臣）

子行學古編序一篇實得一百四十篇增錄宋濂撰墓碑一

篇及明詩綜小傳今亦全錄成完書此集止賦贊銘頌記序

似文集集首數卷如馮太師安岳集之類並非輯逸詩二卷則似從選本鈔出

楊太后宮詞冊跋

（補）宗楊后宮詞五十首寫在狀紙反面紙墨甚舊係汪水雲錢功甫毛子晉黃堯圃舊藏水雲功甫有印記子晉有兩跋堯圃亦有跋子晉曾刻入五家宮詞取刻本相校如銀燭瑤觥競上元一首娟娟西月毛刻作□□午月正當軒午月勝於西月毛何以不見娟娟二字管絃聲韻一齊喧一作宛轉餘音出紫垣毛與一作同又內園昨夜報花開一首箇箇爭先獻壽杯一作人人爭獻萬年杯毛又與一作同想以其聲調不諧耶毛跋潛夫不知何許人按首第二行云潛夫輯是

宮詞之傳由於潛夫跋云癸酉仲春不著何年攷周草窗有  
泗水潛夫之號大約草窗所輯癸酉是度宗咸淳九年時代  
恰合子晉跋云攷今本止三十首餘二十首從未之見但迎  
燕子尾纖纖落葉濛濛立夏天紫禁仙輿詰旦來向刻唐人  
又蘭徑香銷玉輦跡缺月流光入綺疏輦路青苔雨後深向  
刻元人今姑仍原本未便刪去是搜輯與補綴皆潛夫爲之  
也大抵宮闈筆墨不甚流傳於外好事者輯錄之輾轉傳鈔  
多寡不同故有五十首三十首之異又以爲有他人之作屢  
入者自所傳王建花蕊夫人等宮詞均然不獨此冊或疑字  
跡與草窗不類蓋同時月錄之非潛夫親筆然紙墨決不在  
宋元以後況少室山人所珍

胡應麟別號

子晉薨圖並跋之因取

汲古本攷其同異補其譌錯而互證之亦藝林之積寶也

劉後村千家詩選跋

分門類纂唐宋時賢千家詩選宋刻本半葉十一行行二十  
一字積餘得之日本檢曹棟亭刻本校之行數字數均合尙  
存卷一二三四八九十一十二十三十四十五十八十九  
二十爲前集又卷三投獻門四慶壽門八餽送門九謝惠門  
十謝饋送爲後集前集欠五六七十六十七五卷後集欠一  
二五六七五卷十卷以後不知有無缺逸曹刻共二十二卷  
二十卷爲前集與此合後集止存二卷均人品門爲此本所  
無但不知當在何卷耳又前集後留一葉均係訪僧道詩今  
亦無此門後村大全集所載唐賢詩選唐賢詩續選宋賢詩

選近賢詩後選均與此不合不必強爲附會前集皆物類後集皆人事類曹刻不知是刻是鈔大約亦不全爲書估強合挖去前後集字以充全帙亦其長技曹本卷十一潘紫岩松詩末句此物當爲伯仲行曹本此物下缺五字趙循道苔錢詩不比榆花鋪砌白曹本不比下缺五字卷十四劉後村登山詩捫蘿莫怪徐徐下曹本徐徐上缺四字卷十八劉後村聞笛詩何必謝公雙淚落曹本脫淚落二字武元衡角詩胡兒吹角漢城頭曹本脫胡字均遜於此本又此書止有曹刻各書目均未見阮文達外集亦未能悉其始末賴此本尙存天壤俾見是書眞面目雖零珠碎璧亦可寶也

草堂雅集跋

草堂雅集十三卷元顧瑛編按瑛一名阿瑛又名德輝字仲瑛崑山人少輕財結客三十始折節讀書與天下勝流相唱和舉茂才署會稽教諭辟行省屬官皆不就年四十卽以家產盡付其子元臣卜築玉山草堂池館聲伎圖畫器玩甲於江左風流文采傾動一時同時名流無不延致草堂者後元臣仕爲水軍副都萬戶元亡隨例徙臨濠瑛亦偕往洪武二年卒嘗自題其畫象曰儒衣僧帽道人鞵天下青山骨可埋若說舊時豪俠興五陵裘馬洛陽街紀其實也明史文苑傳附載陶宗儀傳末瑛嘗仿段成式漢上題襟例編唱和之作爲此集又仿元好問中州集例各爲小傳亦有字號里居不及文章行誼者其與瑛贈答者卽附錄已作於後其與他人

贈答而其人非與瑛游者所作可取亦附錄焉而低書四格以別之隨得隨添無定次亦無定目而元季詩家此數十人括其大凡數十人之詩此十餘卷具其梗概顧嗣立元詩選元末諸人大半取材於是亦足見采輯之富矣此集十三卷然一卷有后集二二卷有后集一九卷有后集一實則十七卷此書自來只有鈔本流傳能得始柯九思終釋自恢之本已屬難得四庫所收尙首陳基世間所謂俗本也歸安姚彥侍方伯在蕩口收得明玉蘭堂所藏元刻本每卷目錄三橋國博手書而六世孫文肅公跋之推爲海內第一跋云錢牧齋王淑士均从此影寫是昔之絳雲錢氏汲古毛氏今之歸安陸氏昭文瞿氏所收皆鈔本與而宋之四十三卷黃文

獻公集同爲元刊之孤本方伯儼刻之囑友人影寫一葉未  
愜意而止今姚氏書盡出而此集歸寶華尙書慨然借出影  
寫副本每半葉十行每行二十二字中亦有影寫之葉第九  
卷影寫最多有葉不損而字獨損者有字不損而描寫失真  
者取昔藏鮑綠飲校本核之鮑本亦始陳基然元本所缺之  
字尙存一二則以影寫在前而顛倒錯謬極多則以傳鈔在  
後又改易行款故也如第十三卷釋祖柏秋夜長一篇誤作  
兩首賴此本正之後繙顧俠君元詩選亦誤一首爲兩首則  
誤在 國初鈔本愈見此本之足貴矣今以元本鈔本列爲  
一表並脫去東宗康一人其優劣不言可見附錄金文盧三  
跋嘉慶閒歸張月霄咸豐閒歸胡心耘後歸蕩口蔡氏是書

源流略可述云

東屏朱■■近得玉山草堂詩集若干卷脫落散失命余緝治余因觀之清絕可喜故不辭而樂爲之整循其次序裝潢成書以記歲月時正統乙丑仲春下澣玉峰七十五歲老翁金子眞識

玉山草堂雅集十三卷爲家藏善本卷首標目出先國博府君亦楷書之最精者友人錢受之王淑士各借鈔一部入閒流傳未廣猶可稱竺鳴帳中珍也時天啟元年新正三日淑士持還因記此語于清瑤嶼中 震孟

此昭文張金吾家藏本也愛日精廬藏書志云草堂雅集十三卷元刊本文氏竹鳴藏書始柯九思終釋自恢凡七

十四人卷首標目文國博手書精楷絕倫顧俠君敘柯敬仲詩云向來藏書家奉草堂雅集爲祕寶而首冊久闕朱竹垞從琴川毛氏得鈔本一冊始據以入選云云此本元刊而首冊完善是真絕無僅有矣後金氏文氏二跋俱與藏書志合按汲古閣書目僅有鈔本則刻本之希可知胡雨棠明經好購異書一生所積汗牛充棟其子珽從余游頗能繼先人之業今從吳中舊家得此刻本將欲裝潢什藏丐題於余爰述其大略如此時

大清咸豐元年秋八月七十老翁盧希晉書

元本第一卷

鈔本第一卷

柯九思

陳基

后一

陳旅 李孝光

后一

陳旅 李孝光

后一

張翥

第二卷

第二卷

楊維禎

黃潛

后二

黃潛

后二

柯九思

第三卷

第三卷

張天英

張天英 鄭天祐 吳克

恭 陳方

后豈

楊維禎

第四卷

第四卷

鄭元祐 吳克恭 陳方

張翥

第五卷

第五卷

張雨

張雨

第六卷

第六卷

陸德原 張舜咨 熊夢

陸德原 張舜咨 熊夢

祥 倪瓚 潘純

祥 倪瓚 潘純

第七卷

第七卷

鄭東 李元珪 張渥

鄭東 李元珪 張渥

李瓚

李瓚

第八卷

第八卷

唐棣 丁復 項炯 高

唐棣 丁復 項炯 高

明 趙煥 宋沂

明 趙煥 宋沂

第九卷

第九卷

郭翼 呂誠

郭翼 呂誠

后九

后九

姚文奐 郊韶 陸友

姚文奐 郊韶 陸友

王蒙 昂吉 王禕 鄭

王蒙 昂吉 王禕 鄭

守仁 衛仁近

守仁 衛仁近

第十卷

第十卷

于立

于立

第十一卷

第十一卷

陳基

彭采 涂穎 馬磨 盧

昭 瞿榮智 張遜 李

簡 袁泰 唐元 文質

張簡 顧盟 黃文德

周砥

第十二卷

第十二卷

胡助 卞思義 屠性

胡助 卞思義 屠性

陳秀民 王鑑 王冕

陳秀民 王鑑 王冕

余日强 李廷臣 宋本

余日强 李廷臣 宋本

先 陸仁 袁華 秦約 先 陸仁 袁華 秦約

后十二

彭架 涂穎 馬廖 盧

昭 瞿榮智 張遜 李

簡 袁泰 唐元 文質

張簡 顧盟 黃文德

周砥 束宗康

第十三卷

第十一卷

釋餘澤 那希顏 釋寶 餘澤 那希顏 寶月

月 釋祖柏 釋良琦 祖柏 良琦 文信 子

釋文信 釋子賢 釋來 賢 來復 自恢

復釋自恢

凡七十五人

凡七十四人  
二千九百五十四首

藝風堂文續集卷外華

錄尉遲杯一闕在第五卷詞律錄月華清一闕在第四卷丁氏書目遂疑朱萬得見全詞考中州樂府收十三首前三卷僅有三首尉遲杯月華清均在樂府中非朱萬得見全詞也原道之注遺山詆其不通溥南訂誤至八段然搜采宏富同時諸賢藉以傳播其功實屬不小未得以同時人詆譏貶其書也今鈔樂府十首並逸句爲補遺附後惟輾轉傳鈔譌脫不免如人照海棠紅雪人誤入此正文之譌也永錫難老作錫爾難老雍陶詩倒作陶雍傳鐙錄落傳字諸稽郢作諸侯此注之譌也至邊作邊龍作竜關作闕伯作柏宋元刻如此省筆甚多然亦不得不更正以歸一律光緒甲辰海豐吳重熹跋

遺山新樂府跋

元遺山詩文爲金源一大家而詞未編入集有舊樂府新樂府兩種舊樂府早佚新樂府五卷輾轉傳鈔至嘉慶閒阮文達公錄以進呈見摯經室外集道光庚戌平定張石洲陽泉山莊咸豐乙卯華亭張梅生鋤月山房兩刻之譌缺頗多梅生成訂誤一卷補遺五首附後以爲彼善於此矣近讀張嘯山書後方知嘯山別爲校勘附入訂誤而遭亂遺失又見華若汀臧舊鈔有補遺二十二首方知梅生刻本亦未盡善也盧抱經以五卷本爲錢唐凌雲翰編集則誤彥狝所編荃孫有明鈔本只一卷合新舊兩樂府選成故有出此五卷之外者歷代詩餘詞綜所見亦此本一卷二卷之不同或有分并

耳陽泉山莊本書甫成而石洲歿後板歸琉璃廠韓估爲補缺板印行海內始見遺山全書今仲懌侍郎彙刻金源五家福山王文敏作緣從韓估購歸而樂府原刻只留一卷二卷以下皆補刻譌舛最甚又缺卷五石洲序並不云有缺恐是韓估漏補惟樂府前四卷一詞若干首萃於一處四卷不重複五卷詞則叢雜不特與前四卷重卽本卷亦互見似此一卷又疑原本所無爲後人重輯者第刻遺山全集無論何人所逸總宜補全爲是因爲寫第五卷及前四卷校誤以覆侍郎或寄都門補足俾是書無遺憾也

天籟詞跋

白仁父天籟詞六安楊希洛刻於康熙庚寅朱竹垞定爲二

卷并爲之序前載元王博文序明孫作序字畫精妙藏書家亦罕見光緒壬辰吾友王君佑遐重刻於四印齋而小象撫遺均刪去今仲飴侍郎借錢塘丁氏舊鈔本錄副並屬荃孫與楊本合校付梓而丁本頗異楊本朱序云希洛得之仁父裔孫析爲二卷似已前無刻本而丁本亦分二卷長號聯屬王序在前孫序在後標明後序一也摸魚子五首楊本在上卷鈔本在下卷二也有楊本脫鈔本有者如奪錦標得友人李友蔚書水龍吟兼簡盧師道水調歌頭十月海棠均存小注奪錦標之慘哀音令人嗟惜慘字未脫滿江紅同鄭都事復用前韻同字未脫沁園春世事就裏就裏二字未脫燭影搖紅贈環留能結運合同知誰表十字未脫疑有誤字三也有楊本誤

而鈔本不誤者水龍吟曹光輔和作從今都付黃梁楊作糧  
念奴嬌月殿月娥楊作蛾滿庭芳序用寒刪先韻用下不增  
無字四也有兩本不同而兩通者如秋色橫空楊本題詠梅  
順天張侯毛氏以丈母命題索賦鈔本題順天張侯毛氏以  
早梅命題索賦時壬子冬石州慢療飢賴有楚萍不作商芝  
今用楊本付刊而以鈔本改正之字均綴於此慎弗再以楊  
本正之至四印齋本則重翻楊本又不完全更無論矣光緒  
乙巳江陰繆荃孫跋

董西廂跋

代

古本西廂記是搦彈家本色輟耕錄謂爲金章宗朝董解元  
所撰而解元史失其名毛西河云官至學士亦不言出自何

書爲關漢卿王實甫之所自出然關王雖竭力摹擬不如董之自然一天籟一人工也自撈彈變爲北曲北曲易而爲南曲現南曲又闕寂無聞矣今日而見此書幾如談器而搜上古之鼎彝藏書而得三唐之卷子景星慶雲人間罕見此明閔齊伋朱墨本分爲四卷已與施北研所見海陽黃嘉惠刻二卷本不同然無齟名關目行間全載宮調引子尾聲則同金人瑞痛詆續西廂不知原出於此是人瑞未見此本也再以顧元緯所刻會真記鶯鶯兩象一出於宋陳居中一出於明唐子畏普救寺圖西廂記詩詞均附刊焉

董主西廂記跋

代

唐元微之有會真記文人韻事傳播藝林金章宗時董解元

演之爲西廂記傳是樓書目載之無齣句關目行間全載宮  
調引子尾聲尙是撈彈家本色元人音韻漸變多改古本別  
拗新詞王實甫有四本每本四折仍是元曲本色關漢卿續  
一本亦四折所謂西廂五劇也余得閱本董解元西廂分四  
卷卽爲刻之覓實甫本未得也丁未客京師於友人假得會  
真六幻日幻因元才子會真記撈幻董解元西廂記劇幻王  
實甫西廂記賡幻關漢卿續西廂記附園基闢局箋疑更幻  
李日華南西廂記幻住陸天池南西廂記附園林午夢擬刻  
之而未果已而穉弟世琰得閱本王實甫四本目云張君瑞  
開道場崔鶯鶯夜聽琴張君瑞害相思草橋店夢鶯鶯關漢  
卿一本目云張君瑞慶團圓均與點鬼簿合元曲之本色也

日新堂本目錄第一本焚香拜月第二本冰絃寫恨第三本  
詩句傳情第四本雲雨幽會第五本天賜團圓六幻目云弟  
一本佛殿奇逢僧寮假館花陰唱和清醺目成弟二本白馬  
解圍東閣邀賓杯酒違盟琴心挑引弟三本錦字傳情妝臺  
窺簡乘夜踰牆倩紅問病弟四本月夜佳期堂前巧辯長亭  
送別草橋驚夢關漢卿目云弟五本泥金捷報尺素緘愁詭  
謀求配錦衣還鄉并元無名字圍碁鬪局亦附焉每本後皆  
有解證并知會真六幻內刻五劇箋疑卽指此五劇施北研  
跋董西廂有云不知實甫五本卽董曲否是北研未見此書  
有此模黏語也余先刻董曲再刻此五本并刻解證及五劇  
箋疑以成全璧而陸天池李日華之兩南曲殊覺不類置之

可矣六幻所刻王實甫本白馬解圍內已加入周憲王之賞  
花時兩折此本削去可謂矜慎至憲王羣英雜劇黃序所謂  
四西廂兩本俱未得見也

順治壬辰乙未戊戌三科齒錄跋

順治壬辰科會試四百七名進士乙未會試三百八十五名  
進士戊戌會試四百一名進士額比近來多矣壬辰總裁希  
福額色黑陳泰劉清泰胡統虞成克鞏六人乙未總裁額色  
黑金之俊胡兆龍恩國泰四人戊戌止傳以漸李蔚二人同  
考廿員壬辰乙未均分易六房書六房詩四房每房一員春  
秋禮記各一房每房二員戊戌不分經止列廿員官銜而已  
壬辰乙未按房分列取中門生戊戌則照榜上名次彙列於

前漢軍直隸江南山東山西河南陝西甘肅四川湖廣浙江  
江西福建廣東并分府分縣不依名次與今不同壬辰乙未  
無滿洲人者二科另列一榜另有殿元也著名之人二王范  
湯外壬辰則有句容笄重光青浦沈荃宜興周季琬登封耿  
介大治余國柱嘉善曹爾堪張我樸海鹽查培繼臨川李來  
泰侯官蕭震乙未則有長洲汪琬宋德宜太倉王揆無錫秦  
松齡宜興萬錦雲山陽邱象升應城孫光祀安邱曹申吉潁  
州劉體仁黃岡劉澤弘仁和平彭戊戌則有吳縣錢中諧常  
熟孫承恩武進鄒祇謨孝感熊賜履臨海馮魁遂安毛際可  
廬陵張貞生合肥李天馥澤州陳廷敬建安鄭重名臣循吏  
儒林文苑無不出於其中開國之初人物應運而生固非後

來所及而四川雲貴並無一人入穀桂王尙在天南未平應

試士子瑣尾流離尙未能以文藝自獻也其他大臣子弟王

辰則有○遠祖述堯大壽之子乙未南安洪士銘承嘯之子○遠祖之

麟大弼之孫祖澤潛大鄭之子遼陽○心祖完我之孫涿州馮源濟馮銓之子

達公於名字上書云胎仙為銓之子是時方十九歲銓館選

時亦方十七八故天啟宮詞稱銓為小翰林其父子科名皆

早才為之耶抑進諸人倣臣乙未有戚藩惠疇二人戚字价

人有文名惠字亮采官太平府教授無事蹟可記光緒丙午

江陰繆荃孫跋時詔停科舉之第二年也

上館課本書題識

國朝翰林故事進士釋褐改庶吉士者納之庶常館欽派

大教習二人月課之大教習擇日在翰林院到任大教習在

川堂設公座清祕堂翰林牽新庶常行謁見禮太教習出位  
東西立新庶常向上人三揖行禮畢人進書呈課太教習  
以朱筆標一日子標畢卽行名曰上學庶吉士送太教習升  
輿而散余丙子點庶常時太教習爲顏杕秋坪師景廉殷譜  
經師兆鏞此書標六月十二日五字秋坪師手迹也進書例  
以尙書大學同年黃再同以文選大學衍義呈太教習異之  
荃孫後得張皋文手批之漢書上有朱筆標五月十八日則  
嘉慶己未先生到庶常館時太教習那繹堂所標也先生自  
跋云可見前輩並不定以尙書大學矣

涼王大沮渠安周功德碑頌跋

此碑在德國博物院北魏永平三年西域土民爲涼王大沮

渠安周造寺頌功德而立按安周見魏書北涼傳安周牧犍  
弟樂都太守牧犍降南奔吐谷渾沮渠無諱謀渡流沙遣安  
周西擊鄯善魏使者勸令拒守安周不能克退保東城三年  
卒降之無諱留安周駐鄯善自駐高昌無諱卒安周代立後  
爲蠕蠕國所并通鑑記於宋大明四年距魏滅北涼在太延  
三年已二十二年矣高昌今爲喀喇和卓鄯善今爲噶順沙  
磧去甘肅不遠碑當出於此不知何時流入德國後有典作  
御史索（帝）姓氏譜索氏望出武成燉煌殷民七族索氏之後  
漢最盛東漢有索班晉有靖繚北涼錄有索敞字巨振敦煌  
人蒙遜時爲劉昉助教昉亦前涼錄著名文士或謂（帝）卽敞  
之族人歟題名有法鑑者據北涼錄有法進爲蒙遜所重似

亦法鑑之族隋志霸史涼書十有注沮渠國史惜今已佚今

得此石可爲沮渠國增一掌故矣碑後紀年月

僅存三年未筆

歲次大梁月無射量功興造龍集星紀朱明戊辰都竟按

星紀十二次爲大梁北魏年號承平無三年永平有三年值

析木不值大梁且距涼亡七十年之久遺民縱思其功德而

文中不及其覆亡之慘亦無是理近吐魯番出土有佛說菩

薩藏經殘卷尾署大涼王沮渠安周所供養承平十五年歲

在丁酉有此作證則承平三年歲在乙酉與碑恰合

陳雪峰井天第一卷跋

江甯陳雪峰先生搨省城井闌九加以茅山梁井溧陽唐井

作長卷自署曰井天翁鈕非石分書井天二字爲引首顧千

里爲之跋雪峰於道光戊戌又自跋之題爲井天第一卷欲以所得吳門諸井爲第二卷何子貞有井天記諸城李方赤上元朱述之張蓉園寶應朱士端均有題大盜據國金陵瓦解九井半已不存而至德井保大井此卷亦未載入荃孫江鄉後學忝附同志故爲考其存逸而深冀逸者之復出云雪峰名宗彝字仲虎別號小倉山農

第一梁天監闕昔在句容學宮今歸督署各書均著錄

第二唐元和闕在溧陽沙門澄觀造今存其文曰行一維唐元

和六年歲次辛行三卯五月甲午行四朔十五日戊申行五沙門

澄觀行六爲零陵寺行七造常住石行八井欄并石行九盆永充供養

大匠儲卿行十一郭通行十二偈讚曰行十三此是南山石行十四

將來造井欄

行十五

留傳千萬代

行十六

各結佛家緣

行十七

盡意

修功德

行十八

應無朽壞年

行十九

同霑勝福者

行二十

超於彌勒

前此闢見寶鐵齋金石跋韓退之送澄觀詩我欲收斂加冠  
巾卽此僧澄觀書棲霞寺律大師碑見寶刻類編今不可見  
則固名著金石者

第三楊吳泰和闢今存按唐文宗是大和非太和更無誤作  
泰和之理闢在金陵其以楊吳年號爲足據湯引潘宗伯韓  
仲元造題橋格題字稱爲泰和意極佳特諸家均釋爲泰始  
因明帝太和年魏人不得至襄城無由題名也

第四楊吳義井二大字旁題下元壬午年十一月在江甯城  
內北門橋道旁今未見

第五玉兔闌題字傳爲秦會之篆書今存

第六宋普生井淳熙丙午邵永堅建在藩署瞻園見江甯石刻記今未見

第七宋義井銘嘉泰三年五月在小倉山下

湯詩云螺絲灣

見江甯

石刻記今存

第八宋荀氏義井闌寶慶歲丁亥庚申日亦在小倉山下與嘉泰井並峙今未見

第九宋咸淳闌正書比巳福基立在華嚴樓今未見

第十宋來鳳泉篆書昔在胭脂巷今在鐵如意齋

第十一元雷山義泉至正丙戌篆書見江甯石刻記今存

落花碾雪飛古塵井眉綠暈金陵春玉虎暗風鹿盧冷石

紋紅斷盤螭影井天居士倉山農煙箋醉拓黃巖松綾暉  
香滃煤霞氣山疊碎蝕青黃字丸丸古水菱葉光露囊秋  
熨雙瞳涼四山黑雲飛霹靂手織龍梭大盈尺涼蟾夜檢  
銀牀籍井底翁翁一天碧

雪峯先生出井天第一卷屬題時辛丑夏五月十一日楊  
得春存吾甫草

句容井創天監時商旅渴乏帝愍之茅山道士奉詔爲井  
十有五獨此遺溧陽舊亦繫建康爲井傳自元和唐沙門  
作讚供法王九十一字廿一行儲卿郭通姓名彰泰和井  
題蔣詮捨三山門前古蘭若唐歟晉歟識者寡北門義井  
字深刻紀年下元時代匿紛紛纂竊悲南北宋玉兔泉玉

筋工字形半泐縣學宮<sub>碑</sub>熙辛卯邵永堅建普生泉今瞻  
園螺絲灣頭兩義泉嘉泰寶慶同清漣諸軍都壕嘉泰官  
三年五月營造完銘辭娓娓雅可觀寶慶丁亥夏庚申曰  
荀氏捨義鄉泉一十五字半不全華嚴樓畔咸<sub>碑</sub>井比丘  
福基題字整胭脂巷近鳳皇臺來鳳泉疑李監題雷山最  
遲至正鑿德恩寺中秉義作此十一井同鄉土誰訪得之  
陳仲虎井丹一刺不投人繭足胡爲輶轡苦有井水處君  
公知世上無人耽汲古古井千秋上下天天雖一規輸快  
覩此卷當騰五雲色江鄉豈但圖經補君不見崑崙九井  
神仙都玉欄金榦濺明珠更挽天河洗眸子看取仙人上  
古書 建康古井歌題奉

井天居士正之道光十九年正月二十四日琴隱園雨窗

貽汾

黔江帖殘本跋

貴池劉蔥石觀察示我舊帖四卷至十卷紙墨古雅望而知  
爲宋搨前有元俞紫芝顧阿瑛兩跋指爲黔江帖按法帖譜  
系云宋秦子明摹僧寶月古法帖十卷壁之黔江軍紹聖院  
其卷帙之多寡次第之先後字行之長短悉同淳化閣帖蓋  
出於長沙本乃淳化之耳孫也譜系又云第一卷有篆書三  
行其後有楷書一行云降授供備庫副使充東南第八副將  
訓練潭州諸軍潭州駐劄秦世章家本其後又二行云長沙  
湯正臣重摹男仙芝靈芝鐫第二卷至八卷尾各題長沙湯

文正臣重摹七字卻無<sup>停</sup>化篆書及世章銜位又第八卷取卿女壻帖內第二行休字立人作兩點第九卷尾題長沙湯正臣摹勒七字第十卷題長沙湯正臣重摹男仙芝爲一行靈芝鑄爲一行此本各卷後無長沙湯正臣摹勒一行諦視每卷篆書之後卽易他紙似前人裁去以充<sup>停</sup>化祖搨者然七八兩卷譜系云無篆書而此獨有天衣無縫決非從各處割截來者疑不可解止取卿女壻帖內第二行休字立人正作兩點可爲黔江帖之實證山谷題跋秦氏法帖云子明名世章今爲左藏庫副使東南第八將紹聖院者子明以軍功得請於朝爲陣亡戰士追福作佛祠也俞跋作紹聖書院誤兩跋均疑僞作質之蔥石以爲何如

唐張旭書肚痛帖梁僧彥修書寄邊衣詩跋

右唐張旭書肚痛帖一石梁僧彥修書寄邊衣詩一石宋嘉祐戊戌李丕緒刻在西安府學碑林肚痛帖凡六行石墨鐫華云此帖殊勝斷碑千文十倍當與藏真聖母三帖同觀雍州金石記云此帖刻於僧彥修草書之下方想亦於宋時摹刻上石者寄邊衣詩關中金石記云裴說撰說唐末進士終禮部員外郎此詩亦云說作一云裴羽仙作羽仙說妻也彥修以草書名書史會要補遺梁僧彥修善草書風神秀逸得張長史法顧氏金石文字記孫氏訪碑錄陸氏金石續編均著錄

宋人蜀川圖跋

按宋人蜀川圖自岷山導江起至夷陵止昔人推爲李龍眠  
與瀟湘圖九歌圖顧愷之女史箴圖皆前明顧中舍所藏四  
名卷後女史箴歸樵李項家九歌歸董文敏家瀟湘圖歸陳  
子有參政家蜀江圖歸信陽王思延將軍家王百穀陳子有  
各一跋董香光兩跋後與瀟湘圖同歸高江村江村兩跋題  
長古兩截句乾隆時四卷均歸

內府

純廟題五段引首亦題兩詩至以四美具印章押之欣賞可  
謂至矣卷中寫蜀川自發源至出峽所經各地於縣則青城  
導江郫縣溫江江源廣都雙流新津彭山南賓武<sub>甯</sub>南浦雲  
安奉節巫山於州則茂州威州眉州邛州於軍則永康城灘

古蹟兩岸備詳某處至某處若干里某灘至某灘若干灘以  
蠅頭小書誌之字亦極佳昔人推爲米筆今據圖中所標地  
名有崇慶府界一統志宋蜀州紹興十年升崇甯軍節度使  
因高宗先封蜀公潛邸例升也孝宗淳熙四年始升府眉州  
下江鄉館一統志在州東玻璃江濱宋邑宰胡文靖建嘉定  
間魏了翁更今名景蘇樓一統志在州治西宋陳慆爲蘇氏  
父子建慆字日華慶元間郡守夔州下勝己山一統志白帝  
城東十五里有勝己山以高出眾山之上王十朋命名而忠  
州未改咸淳府則猶在南宋之中葉又眉州徑接忠州中間  
似脫三幅而未到歸州而止恐尙有末幅及宋元題跋大半  
爲飛鳧人所割截片裝一卷矣舊印三俱宋時所押內飛捷

第二指揮第三都記朱文考中興通鑑建炎元年因李綱議募兵仍勅禁軍饒勝飛捷忠勇義成龍武虎威折衝果毅定難靖邊凡十號每號四軍此云第二指揮其四軍之二歟宋志自神衛而下左右四廂都指揮使都虞侯廂各有都每都有都頭此第二指揮之第三都頭也可見宋時業已寶貴不必證爲龍眠之畫南宮之字然後足重也至引首蜀川勝概四字以爲蔡君謨不知君謨卒於治平三年與米李亦不相及

方士庶摹元繆叔民山水跋

按繆佚字叔民常熟人父貞字仲素好古博雅家有述古堂貯法書名畫子侃字叔正浙省辟署行省郎中老父居虞山

溫清久缺繪故山雲樹並所居猗猗室爲圖題曰望虛以寄  
志佚卽仲素次子叔正之弟工詩善畫世其家學嘗寫林塘  
圖楊鐵崖倪雲林並爲題詠見列朝詩甲集小傳及常熟志  
叔民畫不著何年其前題四月後題後十一月而張仲簡題  
在至正九年予按至正六年丙戌閏十一月此畫蓋作於至  
正六年也原畫明初在沈均孟淵所石田之祖嘉定馬抑之  
借此卷於沈同齋而臨之同齋卽石田之父臨此卷時石田  
年已四十同齋年六十九原卷及馬抑之卷今均不知歸何  
所方士庶畫徵續錄字循遠號小師道人新安籍家於維揚  
能詩工畫山水受學於黃尊古用筆靈敏氣韻韶宕早有出  
藍之目見環山集

徐壇長京江負笈圖跋

宿遷徐壇長先生原名杏後改用錫負書名著圭美堂集二十六卷幼年讀書京口先於鶴林寺之蘇公竹院乙丑從高齋先生游寓北固山樓八閱月而歸按高齋老人姓高名東生字麓隱良常人時藝爲金壇十子之首高齋其別字有文稿行世壇長生於順治十三年丙申至康熙乙丑年三十歲越五年己巳而倩昭陽顧瑟如作此圖於淮陰時先生三十四歲何義門題於甲戌又越五年詩在義門集中先生康熙丁丑趙熊詔榜成進士選庶常時已四十二矣義門集並載與壇長兩書云文字之飲極爲勝事惜後閒以俗語耳考卷略標其可觀者讀則不必 本朝止有慕廬先生一人真

知慶麻法脈做到五分以上工夫餘子卽有高下亦以其法爲法者也高齋老人不取慕廬先生反以其面目近長明青岳忽視之不細尋味故耳凡論文偏主一路卽有屈抑老人亦微有西江橫據胸臆論文尤許鄧文潔蓋文潔乃西江前輩千子推服略無閒言者也老人所批禮樂不興三篇乃至佳餘則頗不能悉其去留之由非理學非場屋弟常恨千子論文與王李之談詩文等門闊甚大枝脈極亂五十年來雖賢者未免受其訾障但熟復傳注究古人用意用筆之妙卽知其非矣久不發狂論恃先生之知愛輒敢一吐勿使他賢見之鉗我於市也文九冊並高齋老人文一冊送還負笈圖僅題兩韻以奉尊敬亦附去扇容續上不備又云拙句獎與

過當塵務碌碌愧未能爲長篇以發揮景物也行期大抵定於初六不敢復當遠送扇墀去書法甚草草爲愧石刻三種敝郡所有希檢入壇長集稱之爲高麓隱亦只一見劉大山戴憂庵詩均至難得者

黃涪翁勵志詩跋

黃涪翁勵志詩後題元符三年七月涪翁自戎州泝流上青衣廿七日宿廖致平牛口莊養正置酒弄芳閣荷衣未盡蓮實可登投壺弈棋燒燭夜歸按黃文節年譜於紹聖元年謫涪州別駕黔州安置二年赴貶所元符元年遷戎州三年徽宗登極大赦復宣義郎監鄂州在城鹽稅七月汎舟往青神省張氏姑張介卿祉之母介卿時爲眉山青神尉二十一日

解維八月十一抵青神此云廿四日宿牛口上水行遲猶未  
出戎州境廖致平名養正涪翁詩有廖致平送緣荔支戎州  
弟一卽其人也再上卽玉津縣過嘉州方至青神十一月始  
由青神回戎州均與年譜合汪柯玉摹世事悠悠至更復何  
憂一段嵌之蓮登閣蓮登二字卽取蓮實可登意也

投贈周櫟園文冊跋

周櫟園先生官揚州及官閩中均有惠政內升副都御史駸  
駸嚮用矣而督閩者訐之奪職下獄解閩對簿獄未解海寇  
圍省城出先生於獄駐守最衝要之射烏樓園解仍就獄又  
調赴刑曹覆勘議死罪議立決

章皇帝未許卒出之還居揚持親喪揚人閩人作詩文投贈

者廿五家以公子在延詩殿之裝爲兩冊詩文具備真大觀也首張遺初名鹿徵號璞生江甯人明諸生蔭錦衣千戶國亡變姓名入深山閉戶著書自號白雲山人見留溪外傳鄧漢儀字孝威泰州人有過嶺集見感舊集徐延壽興公之子號存永家鼇峰紅雨樓書籍遭亂並田園失之見漁洋詩話王澐原名溥字大來一字勝時世居聽鶴軒爲陳子龍弟子師生患難時卓然有東漢節義風見陳忠裕集胡介字彥遠浙江錢塘人見遺民集汪楫字舟次號悔齋休人舉博學鴻詞有漁村集均見鶴徵錄許琮字天玉明崇禎己卯舉人王漁洋稱爲閩海奇人有梁園集見福建通志冒襄字辟疆號巢

民如皋人壬午副榜授司李明季四公子家有水繪園最稱  
豪侈後淪落以死見雉皋詩徵杜濬字于皇號茶村湖廣黃  
岡人有變雅堂集見湖北通志黃澂之字靜宜福建人史忠  
正公墓府上士見感舊集陳維崧字其年宜興人舉博學鴻  
詞有湖海樓集見鶴徵錄陸繁昭字巨石錢塘人布衣見兩  
浙輶軒錄林賜環字鐵崖福建晉江人順治己丑進士自號  
徹呆子著有荔支譜見福建通志紀映鍾字伯紫一字槩子  
號慙叟上元人有眞冷齋集見遺民集高兆字雲庵號固齋  
福建侯官人見西河詩話公長子在延號黎莊見徵刻唐宋  
祕本書目陳潤字龍章福建人陳焯字滌岑黃志遴黃文煥  
皆福建人王有年河南人見本文餘再考

竹汀日記跋

竹汀先生日記近滂喜齋刊兩卷式訓堂刊三卷均摘鑑賞  
書籍金石之語海內未見真迹也此戊戌正月至四月先生  
是年五十有一爲紹興守秦石公招游南鎮及蘭亭道出杭  
州復游西湖歸途應兩江高文端公之聘主鍾山講席其百  
十有四日集中得詩十九首文筆亦極雅潔無事則記陰晴  
不涉瑣事日記條例略具一斑矣先生年及五十去官歸養  
游覽勝區訓迪後進文字之福幸際昌期斗山之名自臻不  
朽荃孫去官年亦五十後先生一百二十載主講鍾山而風  
塵瀕洞海水橫流講席詞林一概改作無論學不及先生卽  
所遇亦豐嗇特甚我生之後逢此百罹諷詠是詩有餘恫焉

黃再同同年手札跋

荃孫丙子通籍同年中最心折者番禺廖澤羣會稽陶子縝  
義烏朱蓉生貴筑黃再同四人澤羣通禮學子縝通小學蓉  
生通經學而講目錄金石書畫並零星骨董惟再同與荃孫  
有同嗜厥肆廟攤遇則相視而笑有所得互考訂亦互嘲誚  
過從最密迨至荃孫居憂南旋再入京師而再同移居內城  
蹤跡遂少疏矣子縝先歿再同繼之蓉生澤羣一時並逝而  
荃孫僅存然年逾六十齒危髮禿老態日增追隨諸君於地  
下諒亦爲期不遠回思丙子迄今已三十年內而卿相外而  
封疆均有其人我輩書癡獃不得與子縝著淮南許注異同  
詰漢孳室文集蓉生著無邪堂答問澤羣著禮經分類考荃

孫亦成碑傳續集常州詞錄藏書記讀書記功業不足與他人並斬以文字傳於後世已爲可悲又惜再同著作無人爲之收拾同於人琴俱亡尤可慨也今子涵二兄出示手札八寸通其精神意氣湧現紙上彷彿相遇於海王村肆一握手談也感時傷逝慨歎系之

書全謝山改正成仁祠祀典議

先六世祖蓉浦府君康熙三十四年蒞任定海前後二十二年惠政卓著士民至今歌頌之於四十二年捐建成仁祠於張鯢淵相國雪交亭故址以祀辛卯殉難諸忠而全謝山因其中祀黃斌卿遂云采里巷誣誕之言以錄其人故其事僞其官爵僞其姓名無一不僞居然登之翁洲志中而祠爲謬

祠志爲穢志大決橫水洋之清流未足以洗其玷

云云考黃斌

卿爲崑山參將因奉閩檄迎魯監國稍遲爲定西侯張名振所殺本與辛卯殉難無涉而斌卿在鎮頗得軍民心其死也闔城慟哭罷市距建祠時五十年必有遺民感其恩者而先大世祖成仁祠記止舉張肯堂吳鍾巒諸人並無斌卿至具稟上官方以斌卿廨入大約惑於土人之言而遺事中稍言定西殺之之過及陳方平無所考而已全又云祠中以黃斌卿爲首居張相國之上而莊綸渭注祠中神位僅書諸先生三字並無官爵姓名則謝山所見之祠又出後人所續增者矣先大世祖蒞定海時海中荒邑草創經營文獻無徵明史未出卽桑海諸君紀載恐亦忌諱而未敢呈諸司牧僅從一

二遺黎之口以定祀典稍有舛錯未嘗不盼後人匡正之而何必輕詆如謝山所云也江○朱述之大令昌國典詠注云繆志詳繪十七壑各失山環海縣境諸圖皆得諸耳聞目見至軍制形勝田賦水利所載案牘確切詳盡洞悉源委雖於黃斌卿未能直筆海外少書籍於考古間有疏舛然瑕不掩瑜亦經十數年精力以成之者後之人當補正之而不可輕加刪削也斯眞持平之論矣

全記云祠中以黃斌卿爲首居張鯢淵相國之上昌國典詠注亦云志列黃斌卿於辛卯舟山殉難諸臣之首今檢先六世祖所修定海志人物一門首張肯堂次吳鍾巒次張煌言次孫嘉績次李向中次朱永向方次川黃斌卿與

全宋所見不同

陽湖趙氏先世畫象圖贊

并序

世族之家所以繼繼繩繩至數千百年之遙豈非以其根柢之深與庇蔭之遠哉武進趙氏本宋宗室自元建明儕乎編氓西溪處士鄉居以耕三傳至見瀾先生以振荒而傾其資以運糧而隕其身累仁抱義真所謂積厚流光者與忠毅公開府沅湘入爲司徒赫赫之功冠乎國史哲嗣又以一甲一名進士及第門閥之盛爲常州望自西溪處士至裘萼侍讀七世遺象留傳至今惠甫丈从兵燹中奉持而出軼者倩名手追摹之又屬名人題詠之其述祖德盡孝思亦云至矣至孫於庚申亂時齒猶穉弱僅奉三代遺象出亡所有書籍

手蹟均付劫灰迄今讀趙氏遺圖不禁怦怦欲動也遂不辭而爲之贊以爲世家之賢子孫有所觀感焉

耕讀傳家耕先於讀約我亞旅率我僮僕歷彼四時播厥百穀祇盡我心敢希歲熟天鑒苦衷錫茲旨蓄遺象肅然風微

①三

力田肇緒

服我先疇父耕子耘國課我完農界我分辨茲土宜塗泥墮墮釀茲嘉種水火薙薰天與厥福我稼如雲乃積乃倉先農

策勳

服疇貽穀

陡遇凶年流離載道魚貫來前抱幼扶老欲食具糒欲眠席藁如坻如京哀鴻一飽飛輓而前疾瘳而槁所徵令名維善

爲贊

莊橋施振

亭亭玉樹生於階庭振衣脫白裙竹殺青登高能賦遇物能  
銘充我閑閣留茲典型風竹千畝煙草一汀貽我子孫奕葉  
扇馨

藝蘭肯構

亦曾爲令澤及鄂疆亦曾爲郎武部贊襄滄桑一變歸老江  
鄉坐擁皋比童冠趨蹌故侯種瓜左徒沈湘秋霜春露感念  
先皇

蓬門教授

羣苗如風益蟲叢叢出車設旗羣庭挂弓師以威馭頑以誠  
通整旅還朝重譯來同入綜度支倚畀攸隆遺愛國僑峻  
望姚崇

整旅招苗

丹陛唱名雲呈五色東觀紬書西清入直轉粟餉士輪  
臺西北名父之子克家衛國陟岵興嗟中道僵路是曰忠

孝青史作則 玉堂校書

祭張文襄公文

嗚呼我公爲 國心膺舊學新猷屬望元輔智能恢乎九垓  
學術貫乎千古公如元氣運物無垠審機正軸功無與倫將  
推誠而孚信以洽羽而馴鱗何風驚而雷駭倏山頽而木壞  
妖星襲夫中台哀聲動夫兩戒安仰安放夫大運俄屆悼斯民  
兮斯世誰拯沈而救敗公之鎮外也敷厯夫八省公之秉政  
也前後無二年凡時局之孔急均籌畫於事先其才則裕其  
志則堅在庸眾所愕眙迺獨任夫仔肩歎倖竇之高張嗟諷  
諭之未省機有阻而思通緒將散而欲整任狂吠之狺狺表  
孤忠之耿耿 國史大書弟子私記未盡事功之彪炳至若

荃孫之於公也歲癸酉始入謁至乙亥而及門捧手以授大  
義提耳以領微言迺眷注之獨厚亦屢呼而屢援公入秉鈞  
器使萬類謂桃李今雖多顧管蒯其無棄薦剡再敝徵車三  
至憶疇昔之銜恩儼摠衣而入侍奈衰病之迫身答高厚之  
無地頌遺烈之鏘洋憫邦國之殄賴枕膝未聞臨風涕泗嗚  
呼哀哉伏維尙饗

藝風堂文續集卷八

桂林後學況周頤斟字

藝風堂文外集目

謝端制軍贈肉醬醃菜啟 謝端制軍贈洋椅啟 唐

貞觀開元元和會昌大中政治得失論 狄青論 保

守說 答鄭叔問書 與皖撫朱中丞書 朱中丞答

書 日本訪書記 重建常州府署記 慕萊堂銘 并

序 重修常州府志條例 莊子佩先生七艷壽序

劉峴莊制府七旬 賜壽序 代

藝風堂文外集

江陰繆荃孫

謝端制軍贈肉醬醃菜啟

頃承惠贈肉醬醃菜各一器對使拜謝並聞

頒從中使

賜出上方

帝念臺臣推食遠來江左公懷寒士分甘下及山中婦孺歡  
顏里鄰動色夫醃醬則文稽戴禮晚菰則名重齊書饗備三  
鬴膳夫之職克舉食供七菹安肅之種尤佳惟調劑之得宜  
遂酸鹹之各適當此圖開九九徑闢三三盟證冰心削脯非  
貧家能辦動嫌食指敵根尤吾輩所宜損五肉七菜之精配  
六穀八珍之雅憶蒹鱸之鄉夢少洗寒酸佐稻蟹之賓筵藉

娛饗餐月剛臨子盤亦宜幸僕獻賦通明曾啖紅綾之餅挂  
冠神武惟嘗玉糝之羹何期禮受束修更飫

天廚之味亦有冬儲旨蓄試廣朋酒之詩聊述鄙懷兼陳謝  
悃

謝端制軍贈洋椅啟

蒙齋洋椅二事窺製造於歐洲昇拘墟之下士衡岳養和之  
具一枝可憑隋宮如意之車四輪自轉藉云養疾匪陶令之  
籃輿亦可觀書類曹公之敝架蓋自案則因几而改倚亦由  
席而升既免升降之勞頗覺威儀之重荃孫繩樞甕牖守我  
本來楚簾已箱殊慙非分近依節府時預賓筵吐丙相之茵  
奪戴憑之席茲又貽之嘉製娛此暮年堅同藜板之牀輒似

楊花之枕天寶逍遙之座無此溫和松陵節日之翁輪茲映  
麗從此據梧自便連榻以譚適體神樓怡情家衡桑榆已晚  
深知獨立之難津梁屢疲倍覺嬾眠之適丹青四壁師少文  
之臥游黑白一枰學中郎之坐隱昔也來從北國彼歐九棄  
之如遺今也出自西方豈帝釋踞之說法詎比製同白木祇  
儉德之可風何須鑄以黃金惟容身而足貴用陳款款敢布

區區

唐貞觀開元元和會昌大中政治得失論

嗚呼有唐三百年所稱治世人莫不曰貞觀開元元和會昌  
大中矣雖然有實錄焉有諛詞焉其中得失固未可一概論  
也太宗④宗手平大難整飭紀綱貞觀開元得人最盛其用

人行政固非後世所能及然貞觀一傳至永徽而衰開元廿年迨天寶而敗一及其子一及其身得失可知元和初年平蜀平江東平浙西平滿清河朔三鎮奔走恐後氣象光昌幾於開國惜天下甫定驕氣漸盈商臣之禍史冊所諱會昌用李德裕平劉稹誅楊弁戢河朔之驕氣平回紇之雄藩則武功可紀也汰僧尼抑閹宦減州縣之冗員宣致理之封事則文治可法也天假之年何難見中興之盛乎宣宗孜孜求治察察爲明力返武宗之所爲而不顧是非不明賞罰任用僉人快雪私憤小太宗之號亦以後之君懿僖昭哀無有如宣宗者然繼嗣不肯預定柄歸奄人遂成門生天子之局驕兵遂帥專務苟且亦肇藩鎮分裂之禍則謂唐之亡由於大中

亦不得謂之刻也善讀唐書者於五朝之中當亦有所折衷而不隨俗論矣

狄青論

古來將相大臣任大事成大功爲天下所瞻仰者不僅矜言智勇也其必示之以威將之以慎有全勝之略有獨見之識不言智勇而智勇自在其中於宋之狄青見之矣青在延州常爲軍鋒大小二十五戰數有功雖創甚聞敵則挺起馳赴二廣蠻亂上表請行是其勇也蠻兵乘勝凶燄頗張青下令休軍十日乃乘上元節輕騎一晝夜絕崑崙關出歸仁鋪賊旣失險遂大敗遁去是其智也軍中聞元帥令違者必斬自古皆然青戒諸將毋妄與賊鬪陳曙乘青未至輒以步卒八

千犯賊潰於崑崙青併殿直袁用三十人斬之以後令出必  
行遂以破賊所謂示之以威也軍勝告捷上慰朝廷鋪張敘  
功武臣常態智高旣敗時賊屍有衣金龍衣者咸謂智高已  
死青不敢誣朝廷以貪功後聞智高在大理眾服其識所謂  
將之以慎也交趾願出兵助討余靖言其可青阻止之夫假  
外兵以除內寇幸而爲唐初之突厥不幸卽爲石晉之契丹  
覆轍在前不可不戒然青豈以是徼幸哉智高癰疥疾耳承  
平日久將不知兵覆城殺將驕盈已極以青禦之發蒙振落  
使謝交趾之兵而不能制智高之命青豈敢爲所謂有全勝  
之略也青涅面爲兵旣貴仁宗敕青傳藥除字青願留以勸  
軍士而不肯去涅人有推青爲狄梁公後者青亦謝之所謂

有獨見之識也夫青以功冠當代以誠結主知而言者往往疑之不能安身朝廷是則宋朝因藝祖得天下不能以正武臣之有威望者無不疑忌前則黑王相公之受讒後則鄂岳節度之被殺已成輕武右文之習遂蹈執冰解甲之譏國勢不振積漸使然於青何損哉雖然青之成功固青之忠勇有以致之而仁宗亦可謂善御將矣當青旣行帝誠以左右使令非親信不可飲食臥起皆宜防範愛之也如子弟然及青破賊顧宰相曰速議賞遲則不足以勸由前之言可以得青之心由後之言可以作將士之氣御將之道不外乎此然則青之成功亦可謂遭際非常者矣

保守說

古鐘鼎文曰子子孫孫永寶用藏書印記有云後人但念阿翁癖子孫益之守弗失有云鬻及借人爲不孝王述菴司寇有一印云二萬卷書可貴一千通金石備購且藏劇勞動願後人勤講肄數文詞明義理習典故兼游藝時整齊弗廢置如不材敢賣棄是非人犬豕類屏出族加鞭箠述菴傳誠陳簡莊孝廉亦有一印云得此書費辛苦後之人其鑒我惜司寇孝廉兩家遺集轉瞬散佚告誡丁甯後人何嘗動念哉亦有肩閉篋篋鼠齧蟲穿無一人檢視亦無一書不破損雖插架依然恐不得謂之善守至若家道中落願讓友朋如毛斧季之歸季滄葦黃蘗圖之歸汪闡原我得善價物亦得所雖云賣棄尙屬風雅若道古樓之準諸博徒甬宋樓之棄諸異

域可謂至不肖矣大抵子孫稍長嗜欲開時舉經籍金石書畫錢印磚瓦視其所好多方引誘教導之獎勸之精神恆注於斯此中自有至樂由約至博由麤及精先使之愛再可言保如其眞愛不但可保且增益矣毛斧季之考訂經籍過於毛子晉曾筌巢之賞鑑字畫勝於曾賓谷豈非大快乎與其空言告誡何如及早圖維願與天下收藏家共勉之

答鄭叔問書

叔問道兄先生左右五月中吳布政由袁浦遞到孟陬十三日手書敬悉考訂金石問道下走邇時北信日警心緒勞如後值酷暑又患瘍證蹉跎至今死罪死罪荃孫金石之學何敢妄希前哲然寢饋三十年矣此中蹊徑曲折分明敬爲閣

下陳之

國朝談金石者有二派曰覃溪派精購舊拓講求筆意賞鑑家也原出宋人法帖考異蘭亭考等書曰蘭泉派搜采幽僻援引宏富攷據家也原出宋人金石錄隸釋等書荃孫寒窘無力不能多藏舊拓而各史別集素所留意遂專趨蘭泉一派孫錄最博然有見搨本者有采自他人目錄者一碑三重一葉再見年月不分地名互異昔亦曾爲糾謬續之者嚴鐵橋陳雪峰黃虎癡諸家荃孫均得鈔讀惟趙搨叔之書最草率最傳布因沈韻初諸人富收藏而不甚讀書爲搨叔盛氣所懾故推許甚至荃孫初爲再補訪碑錄後又以趙錄爲不足補改爲訪碑後錄今定爲金石分地錄荃孫嚴黃陳趙加

以新得按縣分編昔有今佚者僞作者翻刻者另爲一卷並不收塼瓦成書廿卷卷四十餘葉孫趙糾謬散列於下手彙三易未能寫定刻更難矣所藏各碑自周訖元共一萬有八百餘種成藝風堂金石自十八卷前刻文集碑跋得一卷錄全文者擬爲藝風堂金石萃編丙申到鍾山講舍訪得打碑人聶明山頗熟目錄之學又能繩深鑿險抉剔墨寶爲徧訪各縣拓致多種益以舊藏可得七百餘種因有勒成一書之志唐前不過一卷宋元較多用常山貞石志越中金石記舊例較滂喜齋所刻吳郡金石目昔有今無者甚多昔晦而今顯者亦復不少天地至寶日出不窮編摩考訂決非一人能辦曾約太倉錢伊臣家蘅甫允爲考太倉一州蘇垣爲宋元

薈萃之物搨至三次遺漏尙多深望同志匡我不逮明春專  
遣搨工到蘇敬求指示爲幸大著攷證漢魏六朝石文想有  
定本望卽付刊此事無盡期從速可供同嗜昔友梁杭叔最  
淹雅葉鞠裳羅叔蘊均爲同派餘子大都覃谿派耳手箋佈  
臆敬承動定庚子九月廿八日

與皖撫朱中丞書

江陰繆荃孫謹上書經田大公祖大人閣下昔公陳臬江蘇  
荃孫遠客江甯但聞德政傳播萬口從未叩謁旌麾一瞻顏  
色自慙疏嬾深抱歉忱洎公移節皖中立定大難尤爲心佩  
舊友沈子培方伯約作皖游藉可進聆教言當代偉人其見  
識必有過乎尋常者雖有此願尙未能償不意江御史糾公

與荃孫牽連而及駭人聽聞首云荃孫在督署兼辦圖書館  
荃孫自光緒甲午與徐掌院不合乞假歸田閉戶著書不涉  
外事丙申受鍾山之聘六年書院六年學堂近年改圖書館  
監督從未在督署辦事江御史何所見而云然一不解也江  
蘇省紳士在省辦事當道例相往來從未干以私事通省所  
知督院號簿可查關說之事不但荃孫不肯爲卽大府亦不  
肯聽此等機密事非朝夕相見者能進言乎江御史何所見  
而云然二不解也我公一面不相識一字不通問亦與塗人  
無異關說重事五千鉅款委之塗人有是理乎三疏連上恰  
似得有實據者江御史何所見而云然三不解也惟荃孫素  
性慤直目擊辦學務者廢棄國文貽誤學子往往有不平之

言爲一二僉人所忌張制軍辦事持正亦不能聽其所爲遂致大拂其意在京中百計傾軋而荃孫尤所最惡者牽連及之聊快彼意江御史不是接匿名函件卽是聽無賴傳言亦不敢謂其別有他故但以直諫自命不察虛實冒昧上陳

聖恩高厚又不嚴查冤抑反無申訴前朝有卽派御史來查

之案

同治朝尙有御史尋鑾煒參河東鹽務卽派往查

可否請江御史來南查辦轉

可水落石出昔先文貞公在明天啟朝東林講學兼議國事平素不以爲然遺文尙可相證後來閹黨誣爲楊大洪代筆羅織成獄推爲東林領袖先君子以道員候補貴州同治初元田巡撫殺教士文乃尔一案時民間有覺世真經假託關帝降乩痛詆西教文辭鄙俚教民硬誣以爲先君子所撰鍛

鍊削職先君子常云如出我手何至不通如此是寒族家風  
慣受毫無影響之冤抑而江御史之爲人非賦性刻薄卽受  
人愚弄其人格亦不過與明之閹黨黔之教民相等而已昔  
東林有同難錄荃孫與公亦居同案之列冒昧上達直抒胸  
臆之憤附請鈞安

朱中丞答書

筱珊老前輩大人閣下頃奉惠書兀傲奇縱之氣流露滿紙  
伏讀再三竊喜區區心跡猶得見諒於大君子之前向者憂  
讒畏譏之懷不覺渙然冰釋也家寶才能淺鮮謬竊高位任  
非其分遂流言蜚語紛至迭乘返躬自顧惟有警聳臺諫以  
糾彈爲職例許風聞雖噂沓多出無稽亦自無由伸愬端居

深念但自咎其忝冒而已唯家寶旣被 恩知陳力就列方當勉竭駑鈍以備驅策當官受謗分所宜然先生道德文章人倫模楷朱霞白鶴劉孝標夙有品題荆玉靈珠曹子建當無妄歎所謂鳳皇芝草賢愚咸以爲美瑞青天白日奴隸亦知其清明海內景仰之流方欲跂聽車音以遲接光塵爲恨何圖青蠅白壁橫相汙染許由脫屣天下而鄉人疑其盜冠陽居道抗猶龍而家公與之爭席以古方今得毋類此家寶慕教有年未嘗把晤乃以藐躬不德累及高賢尤深媿悚聖人有言觀過各於其黨我公英聲茂實自有千秋今家寶與公乃於意料不及之中幸附黨私之列昔云敝自陳爲吳苴弟子杜衍抗疏爲石介訟冤聞世英賢一時固樂與同罪而

一切飛謀釣誘之說轉可不辨而明先生當亦掀髯發笑以此說爲不誣乎承賜大集追蹤潛研平津造詣醇深攷据翔洽傾服無似容當細讀惟幕僚中尙有究心目錄之學者敬乞再賜一部俾共欣賞無任企幸附呈漢孟琬碑打本一紙係光緒二十七年敝省昭通府白泥井民舍掘獲者在滇中石墨誠可謂鉅寶矣並希鑒察是荷肅復卽請道安館晚生朱家寶頓首

日本訪書記

日本東京書籍鋪最多專售舊本書者以下谷區仲之池町琳琅閣爲最余與積餘兩次往訪得舊鈔本續資治通鑑明  
①治本黃山谷全集洪武本理學類傳活字本五百家注昌

黎集又有高麗本草堂詩箋字迹極雅惜有缺佚議價未成  
積餘得後村千家詩選宋本亦缺十卷 淺倉文淵堂在淺  
草區購得明萬曆本翰墨大全廿六冊繼又得舊鈔醫書十  
餘種皆山田氏一家所藏鈔校皆精文淵前最有名近稍衰  
文求堂在本鄉區會三訪之得元至大本中州集舊鈔本  
楊誠齋集一百卅三卷每卷後有嘉定元年春三月男長孺  
編次端平元年夏五月門人羅端良校正與楊星吾同年訪  
書記合詩文俱完並非僅刻詩集也又得活字本左傳杜注  
明刻本古今游名山記梅鼎祚樂苑 西京文求堂在寺町  
通與東京文求堂一家得日本古金石五冊磚瓦搗本一冊 竹苞樓  
亦在寺町通得尙書宋刊本首尾完善裝潢精緻古香撲人

洵非易覲 西京書鋪尙多聞大阪之齋心橋亦多古籍惜  
爲日無幾歸期促迫未能徧訪也

日本竹添漸卿進一所藏宏富出脉多種聊志其目

卷子本

漢書揚子雲傳不全

字作褚體類唐人寫經

宋刻本

毛詩正義四十卷缺前六卷

半葉十五行行廿五字卷末有紹興九年九月十五日  
紹興府雕造校對官有韓彰穆淮二行營幹雕造官有  
曾揆白彥良二行

草書禮部韻寶

半葉五行行十字書衣題

高宗御筆  
草書韻寶

欄上橫書與畊書

堂卷末二行承議郎權發遣湖州軍州兼管內勸農事  
借紫臣陳汝謹識宣義郎簽書昭慶軍節度判官廳公  
事臣趙與勲監刊

大學衍義四十三卷

半葉十一行行廿一字序半葉十二行行廿二字

成元英注莊子五卷

半葉六行行大字十五小字二十卽黎星使所刻新見  
君藏本胡澍裝如故也

廣韻五卷

北宋本半葉十行行二十字

御覽五百十二卷

半葉十三行行二十三字

元氏長慶集三十卷

半葉十行行二十一字

元刻本

南村輟耕錄三十卷

半葉十三行行廿五字

玉篇三卷

半葉十三行行廿三字序十行行十九字至正丙申孟

夏翠巖精舍刊

郭注莊子

半葉十行行十七八字不等

唐詩鼓吹十卷

半葉十三行行廿三字資善大夫中書左丞郝天挺注  
積善堂刊

事文類聚六集

半葉十四行行二十六字泰定丙寅廬陵武溪書院新  
刊

翰墨全書十集

半葉十四行行廿八字

韻會舉要三十卷

半葉八行小字雙行行廿二字

左傳句解七十卷

林堯叟元書朱記行款

黃山谷集

半葉九行行十六字五山板五山五丈寺也

又有文選毛詩左傳孟子均慶長本唐人寫經

五卷收藏

可謂富矣東京古城君

貞吉

約觀所藏古錢大阪內藤君

次郎

約觀所藏舊書均因病未赴殊歉然也

宋咸平中日本僧齋然獻鄭康成所注孝經乃中國所  
亡失者是歷史中知日本藏書之始讀書敏求記所載  
古鈔正平本論語云行閒所注字罕有識之者即旁注

和文以遵王之淹雅至以此爲高麗本其爲難覲可知

乾隆中葉山井鼎七經考文魏鄭公羣書治要稍稍流

傳汪翼滄得梁皇侃論語義疏十卷於足利學浙撫王

亶望刻之後歸鮑氏

初印本卷一銜名三行首魏何晏集解次梁皇侃義疏三行王亶望

校刊汪伏法後板歸知不足齋嘉慶時日本天瀑山人

活字印佚存叢書類皆吾國無傳本者學士大夫訪求

益切而孝經鄭注孔傳作偽者亦聞出焉光緒辛巳黎

星使

諱昌

刻古逸叢書徐星使

孫麒

刊經籍訪古志楊

惺吾同年

詩敬

所得尤多陸續有日本訪書志留眞譜

之刻海內驚傳望之爲琅嬛宛委於是過東瀛者無論

知與不知必購數種以壓歸裝而日本市中漸稀如星

鳳矣蓋孫來東旬留未久所得見者僅此數十種不足  
爲方家一哂然已有申王所未有惺吾所未見者昔章  
實齋進士與阮文達書海外番舶如日本琉球頗用重  
價購書江浙之間有司不甚稽察所關匪細應嚴飭關  
吏搜查海舶毋許私販今則寰海開通正藉彼此補苴  
以期完善則昔之連艦而東者今何必不攜載而西也  
哉大約古鈔卷子本爲上宋元舊刻次之鐫刻本而未  
加和文者次之活字本次之影寫者次之分類以求謹  
以告東游好古之士繆荃孫識

重建常州府署記

隋開皇三年改晉陵郡曰常州明洪武三年改長春府曰常

州府迄今未易名府領縣八上承鎮江下通省會舟車輻輳  
士民秀穎固江南之雄郡也自楊吳權州事唐彥隨建府治  
宋明因之

國朝順治九年知府祖重光重修後復修者五逮郡城經粵  
匪之變失陷於咸豐庚申克復於同治甲子城坊壓市蕩然  
無存而府署亦銷沈於荒煙蔓草中者迄今三十餘年矣乙  
丑知府札公葺武進舊署以居歲暨咸知府譚鈞培與紳士  
劉■■等籌修復舊觀斂費本縣存典徵息至光緒甲午署  
知府■■■■滑吉庀材鳩工授程經始於乙未落成於丁酉  
屋以楹計者凡■■百■■十有奇泉以楹計者總十■■萬■■千  
有奇荃孫適主講龍城知府有公操簡屬爲記並告衆曰布

政之所備矣美矣而將何政以惠吾民耶今海內多故強鄰  
窺伺於外莠民芽孽於內加以水旱偏災人情惶惑喁喁然  
屬望維新之治以起懦而甦困覩棟宇之壯麗何以措國家  
於磐石之安驚風雨之漂搖何以拯民生於飢寒之藪勞神  
焦思寢饋難安將何政以惠吾民耶荃孫迺再拜而言曰公  
言及此民之福也在昔官此土者或賢或否或久或速其遷  
徙不知其幾矣迄今思之真如傳舍如遽廬莫有能與此土  
相維繫者今營建於煨燼之餘締構於机隍之際撫綏吾民  
布厥新政興學校實倉廩除強暴迂和甘整飭拊循威惠交  
至民心孚而民氣日固俾隱爲東南保障之資足以紓  
聖天子之所倚任真可稱都會大藩之居而才具金德量偉

於此可覩矣故拊撫事實以詔永永尙望後之人繼此修葺  
俾歷久而如新也豈不懿歟

慕萊堂銘

并序

湘南李藝淵同年出守江西之臨江城北有老萊亭相傳卽  
其故里夫老萊子孝子也亦高士也太史公附著老子傳中  
劉更生人之列仙其人固邈然不可及而斑衣娛母一事獨  
傳於流俗之口豈非以孝先百行尤千古所僅見者乎藝淵  
權是郡時親年高不能迎養因名斯堂以見志未幾以憂歸  
里迄今十有餘年徧徵題詠裒然成集舉際荃孫受而讀之  
不禁有感於中也當夫下車蒞政百廢具舉視民如子民亦  
戴之如父母而南望親舍白雲橫飛慨定省之未能顧晨昏

一津梁 新增幾處及修造年月有碑記題詠一併呈送

一公署 某年某人修造及署中堂名齋名緣起有碑記題

詠一併呈送

一倉廩 某年某人修造積穀若干章程若何有碑記一併呈送

一水利 水道遷徙利害若何隄堰幾處分別官私修築及歲修經費有碑記一併呈送

一戶口 據歷年戶口冊詳報應以光緒三十四年爲斷

一田賦 各項科則及起運存留諸款

已修新志載明者毋庸鈔呈

一壇廟 壇廟及歷代先賢祠宇凡列入祀典歲時致祭者均行開載修造年月及編祭銀兩若干有碑記題詠一併

呈送如有

敕封爵號及

御撰匾額者先行恭列

一學校 修葺學宮年月及永廣暫廣學額學田書院義學經費有碑記題詠一併呈送

一學堂廠局 近日勘辦新政章程經費均行開載

一冢墓 歷代名人冢墓及漏澤園有碑表誌銘及題詠一

併呈送

義冢須開明若干畝及何人所創

一園第 歷代名人園林第宅注明存廢有碑記題詠一併呈送

一寺觀 修建年月有碑記題詠一併呈送如有

敕封爵號及

御撰匾額者先行恭列

一軍制

額兵若干及領口銀數目塘汛驛遞有無增減

一兵事

粵匪之亂城鄉被難及鄉民辦團始末官軍恢復

年月

一祥異

五行災沴人物妖祥有年月可考者著之

一職官

查明任事年月及籍貫出身

一選舉

歷朝特科

如博學鴻詞薦舉經學之類

孝廉方正進士舉人恩

拔優副歲貢生及武科均載明科分及所歷官階又年老

賞給進士舉人副貢一併開載

一名宦

請入名宦及有實政在民者均據實開載

一人物 儒林文苑必采著述宦蹟務有實在事功不得以空言了事至於忠臣孝子順孫義夫壽民與夫山林隱逸精通藝術及外省之名人流寓此土者一例搜訪總以碑銘傳狀爲憑無者據家乘亦可

一列女 須有傳志者

一藝文 各家著述務采全書送局不得僅列書目志成發還其已經散佚者或據序跋錄送亦可

一金石 凡古碑殘碣及鐘鼎尊匱之屬如有收藏者務拓全文形並注明出土年月及今在何所有考訂釋文者一併錄送

各縣志書已載者不必重錄 前縣志所遺者志書成

後事蹟務請詳載

修書體例

第一

宜典核

或摘要或總錄或類記或分正附一翻經注其必應依年編次者亦宜簡要不得徒事排

比錄鈔類長編也

第二

宜徵實

多考典少空文

第三

以地爲主

與土地稍遠者即從略

第四

以官文書爲據

第五

古事宜備今事有關土地人民者詳餘略

第六

各門統名曰志不立雜名

用華陽國志臨安志例書成用元和郡縣志元豐

九域志乾道○祐咸○志例標名曰光緒常州府志

第七

圖表散歸各卷圖先表後

第八 引書憑古雅者若廣輿記之屬及明人陋書不以爲據

第九 引書用最初者不得但憑類書其無元書者不在此例

第十 羣書互異者宜考訂詳說夾注

第十一 一人一事兩地俱收者宜考證不得沿誤濫收

第十二 采用舊志及各書須覆檢所引元書

第十三 引書注明第幾卷

第十四 詩文宜采者散入夾注小字雙行引用 諭旨小

字單行居中頂格以別於他著作

第十五 關涉兩門者互見分詳略川鄭夾添通志例

第十六 徵引繁多者辨證者牽連旁及者多用夾注用史通說

必錄者同 必錄者同

第十七 紀事須具首尾具年月

第十八 各子目須紀實不得但存一名

第十九

典禮則例非專爲本地設者不錄

如文廟祭器樂  
章之類

第二十

生存人姓名事實著述不錄奏疏公牘不在此例

第二十一

文辭必宜古雅亦不可過於僻澁險怪

第二十二

文字有褒貶抑揚處須從眾議不得偏執獨見

第二十三

國朝經制事例有空闕無從鉤考者本卷子目

下注明止某年

第二十四

采訪日久不齊中多空闕者先纂成書續到日

別爲補編附當卷後

第二十五

大例不改子目細例應改併增補者隨時酌議

第二十六 凡目而事實繁重篇葉過多者分上下卷或

照卷記數

第二十七 每卷標纂書人名於大題後行書成照刊

某縣某人

第二十八 全書俱頂格寫

擡頭處一例平擡

右通例

第一 山川

水利附

河渠 橋梁 閘壩 均略仿水經注例隨水道

分載

第二 寺觀 略仿洛陽伽藍記

第三 坊巷 略仿東西京城坊考城內古迹分載

第四 村鎮 城外陵墓古蹟分載

第五 風俗 略仿陽羨風土記

第六 方言 略仿方言疏證

第七 物產 略仿南方草木狀

第八 天文表 須實測去星野一門

北極高度 距府城緯度 距省城緯度 偏

省城經度 偏縣城經度

二七十五 候日圭正太陽高表及立表臥表景表

高 尺

五中氣二太陽上邊視高 太陽方位 太陽偏

平景偏

度 平景方位 立表平景

四七十一候日出日入時刻晝夜刻朦影刻

五七十一候日昏旦更點時刻

第九 田賦

戶口 屯丁 徭役 科則表附舊料則 解支

漕運 雜辦 積儲 蠲振

第十 學校 舊甘書院 近時學堂附

第十一 營制 驛傳附

第十二 大事略

巡幸大典 大政 祥異均入之

第十三 雜事

軼聞 瑣事 流寓 仙釋皆入之

第十四 紀述本地事之書

如陽羨記各邑舊志之類

第十五 本地人著述

以人爲主事蹟少者略考仕履省立專傳

第十六 金石

拓到金石釋文加考證佚者另編待訪目

用潛研堂目例收至元明朝碑碣載入各門

第十七 前志原委

從咸豐<sub>○</sub>昆陵志起仿四明宋元志作者考

此次創例應

商

一巡幸江南志書無不列之卷首以志 恩遇現歸入大事  
但書某年某月

皇帝南巡過常州憩於艤舟亭賜

御書略擬通鑑轉似

鄭重

一各史列傳各志皆鈔及數冊否則圖省卷帙刪削不成文  
理使是人索索無生氣傳與不傳同現廿四史家置一編  
翻閱卽見擬立一史傳表如常府八縣分八格載某人見  
某書列傳卷■至無專傳者必采訪事實以補之以詳  
爲貴於舊傳主減於新傳主詳所以表宣前賢激厲後進  
鄉士之學卽寓其中

一婦女 節孝義烈有事實者立傳如無事實者此志概不

登載府志應載大綱與縣志不同各縣修志之後舉報者亦彙登一編俟續修縣志再入

一藝文 志書止宜采書名及解題原纂詩文分載各門體例甚善然詩文非關涉輿地例不應收考宋吳郡志則有吳都文粹會稽志則有會稽掇英總集嚴州圖經則有嚴陵集 國朝章實齋先生亦云志所不能收者別勘文徵一編則亦古今通例常郡本有藝文十二卷現編續志不但續已後之著作前志缺者亦可搜補以永其傳

常郡藝文志外錫金有錫山文鈔梁溪詩鈔梁溪詞宜興有荆溪詞江陰有江上詩鈔如各縣人士家藏前輩所輯詩文乞送局備輯立取收條注明 本 卷 月歸還決

不遺失

右專例

光緒常州府志目

地理志一

圖

疆域一

山川二

城池三

壇廟祠祀四

寺觀五

坊巷六

朴鎭七

風俗八

方言九

物產十

天文表十一

沿革表十二

經政志二

官吏一

廠局二

田賦三

鹽法四

典禮五

學校六

營制七

故事志三

大事略一

兵事略二

學派三

雜事四

官師志四

傳一

前代守土官表

文二  
武二

國朝官師武營各表三

人物志五

先賢一 附史傳表

方技二

列女三

選舉表四

藝文志六

紀述本地事之書一

本地人著述二

金石三

序志七

前志原委一

志序錄二

莊子佩先生七壽序

懿夫先儒有言以父母之心爲心則無不愛之兄弟以祖宗之心爲心則無不愛之族姓以天地之心爲心則無不愛之民物大哉旨乎四書六經之義蘊無不包括乎其中矣然非絕私意洞物情闢理境曷克臻此今乃於莊子佩先生見之莊於同州最稱茂族通經義取科第者踵接於時而先生獨以德行著蓋先德佩衡贈公游幕寓蜀晚年得先生追成人而贈公年高急於祿養小就縣尉時蜀有兵警遂以武功積資至縣令明敏幹練上游器重光緒乙亥初任理番廳同知

梭磨土司構釁督練守隘以震懾之遂致救平丁文誠之修  
都江堰也檄先生司其事適度形勢洶淤墊疏港瀆培缺漏  
使水不爲害而田受其益五閱月堰工成至今爲利已卯權  
巴縣庚辰權成都水利同知辛巳權縣竹縣壬午復權水利  
旋權灌縣壬辰代理永川又權榮經汶川丁酉權黔江縣先  
後三十年所任九邑繁若巴縣僻若汶川遠若黔江其待士  
以禮而責其佚蕩者其愛民以誠而誅其悖亂者盡心竭力  
視同家事則歷任如一焉所謂以天地之心爲心者也事親  
有孝德雖公事繁劇而溫清定省無少間賜予酒食無少缺  
先意承志務得高堂之歡而無勉強荃孫窺之於微常取以  
爲事親法一兄早逝事寡嫂以敬三姊一適董二均適吳友

愛無間然歿則撫字諸甥傳之成立親戚稱之所謂以父母之心爲心者也先外舅少甫先生於先生爲功服舅弟外舅官甘肅平涼府殉回逆之難外姑蔡恭人扶柩挈子女歸蜀中流離瑣尾艱苦萬狀衣食喪葬均仰給於先生男則爲之讀書爲之授室仕者爲之仕學者督之學女則爲之擇壻備匱具嫁之如已女至今合爨食指數十口雍雍如也秩秩如也先生和易近人無疾言遽色人有晤對者如日坐春風中使人鄙吝之意自消卽告誡子弟亦於閒暇時微示其旨俾聞者悚息而自趨於正自奉儉約而當朋友急難不惜傾篋助之惟挾勢以臨督責取賄則嘵嘵不少缺雖受挫折而不悔以身爲鵠以行爲衡難進易退古之君子子弟十數輩無

不敬而畏之所謂以祖宗之心爲心者也荃孫甲子避賊入蜀先君子亦自黔罷官歸筆門圭竇寂無聲譽先生獨許可以兄女字之幸託姻婭栽培尤摯而自戊寅拜別迄今二十有二年矣雖備員詞館而不能隨時頽仰以取富貴近且歸老江鄉藉祠祿以謀食愧未少副期望而難進易退則與先生同之俯循教言何敢自外今年六月屆七豔攬揆之辰敬述篤行以爲士大夫家法康強逢吉天自佑之固當如古之大椿福與壽且不知紀極矣謹書之以侑一觴

劉峴莊制府七旬 賜壽序

代

皇帝御極之廿五年總氣旁流景慶連矚嘉平吉日爲峴莊尚書七旬覽揆之辰

天子篤念勲舊寅亮

三朝股肱

王家宣力南服

璽書珍物

寵賚駢闐禮也文武僚屬躬際盛事咸欲鞠躬稱觴迺公以  
控制南疆海氛未靖兢兢業業一念弗敢暇辭至再三而某  
某近承雅化有不敢已於言者乃述吏民之意揚摧而陳曰  
自古國家多故必有魁能冠倫之彥文武威德忠誠愷惻徧  
孚於中外蔚然成底定之功躋斯民於仁壽而天亦必以期  
頤之壽報之書之美召公也曰天壽平格言天無私壽惟平  
格者壽之論語曰仁者靜繼之曰仁者壽言仁者寡欲性安

靜而多壽考也今乃於公見之矣公以文士提鄉兵靖巨寇  
功在五省晉秩開府自廣東按察使擢廣西布政使歷江西  
巡撫晉兩廣總督四任兩江總督兼南洋大臣勲業之隆震  
鐸今沾海內士大夫喁喁向風想其丰采慕其功績識與不  
識能知之能言之而兩江之人沐浴恩醴涵泳德化捍災定  
亂吹枯噓生尤有獨厚於他省者我

朝開國以來惟長白章佳尹文端公四督兩江乾隆乙亥文  
端年七十

聖駕南巡

賜壽有韋平介祉之額三百年來惟公繼其

盛典後先輝映彪炳史冊蓋

朝廷知公在江南日久人心風俗官方吏弊駕輕就熟有非  
我公不可者然文端運值昇平無赫赫之功其治事鑑空衡  
平不設成見事無不理其愛民春風冬日揣知閭閻疾苦必  
能與之更化而慰其所望至今嘖嘖猶在人口公初臨長江  
去大亂僅十年一切措置較文端尤爲慎重而其用入行政  
則有若合符節者故公之去也民之思之如周人之思召公  
也及公之復來也吏民肩踵相接遙見顏色則互相告語以  
爲公精力如故庶幾撫我育我而衣我食我乎顧當中日和  
議之後彼族氣益驕國家財益絀散卒游民交錯鄉市徐海  
薦饑渦陽寇警卽內地尙稱豐稔而奸人觊法盜銷則錢賁  
盜運則粟貴盤根錯節洵稱難治公懷超世之才尤有堅忍

不拔之志去年八月逆黨藉新政以營私公亟請保護

聖躬而國難以靖四明公所事起公扼險要勵將士考器械  
惟敵是求而無毫髮之隙兵船屬至公不爲動疏沂沭之河  
以濟水災振精銳之卒以懾窮寇汎舟鑄幣閭閻又安而提  
絜綱領尤在持之以靜所謂垂紳搢笏不動聲色措天下於  
泰山之安仁者靜而多壽顧有徵歟然而公不自有也待人  
處已躬躬然如有所畏訥訥然若不能言者家庭內外咸課  
厥職位愈高任愈重而意愈下凡修齊之實德皆中庸所不  
能者且厚德不自公始也某家積功累仁十數世逮公而  
贈公孝德所積宗族鄉黨無間言尤能急人所急以儒兼俠  
至今論邵州巨室首必曰金城劉氏也昔文端恪遵庭訓史

乘著爲美談公之家規整肅同之文端之最後涖江南也蓋閱十餘年之久使公久於其任期頤黃髮永享令名以次正人心善風俗飭官方除吏弊天下人所想望於公者綦鉅而竊幸兩江之民被公之澤爲獨長也某某同領南疆諭知泊續謹獻一言以爲祝且以見文端爲其易而公爲其難勸德之隆與夫福澤壽考之原以視文端蓋有過之無不及者而爲天下蒼生慶尤爲兩江之民慶焉